

Kuowen Weekly Illustrated,

國聞週報

期七十四 卷二第

中華郵務局特准掛號認爲新聞紙類

迫擊炮

歐化之土耳其

羅素對五卅慘案譴論

張宗昌在徐作戰別紀

未來之空中毒氣戰爭

銅絲圈

中華民國十四年十二月六日出版

Vol. II No. 47


December 6, 1923




渤海艦隊之一部




海琛



海圻



肇和



楚豫




東
粵
山
水



鼎湖飛水潭



肇慶七星巖



下期預定可以發表之稿件如左、

(一)笑庵君關於香港觀察後之紀載、

(二)受百君之紀北極情形及居民風

俗之譯文、

(三)本報駐日記者壽潛君之參觀日

本電氣文化展覽會記、

(四)關於北滿及蒙古之風俗照片、

第二卷
四十七期
國聞週報目錄

社評(三則)

爛羊頭之中樞.....慎予
外力侵入之危機.....菱伯
學匪.....隱之

羅素對五卅慘案之議論.....羅素原著
受百達指

歐化之土耳其.....受百

張宗昌在徐作戰別紀.....鑑吾

未來之空中毒氣戰爭.....蓀

青島(續).....菱伯

關稅特別會議實錄(五).....心冷

國內外一週間大事記.....公展

迫擊砲.....黎度

中國影片新評.....心冷

開心滑稽影片的批評.....L. L. 女士

女工(小說).....S. K.

銅絲圈(小說).....凝冰

海上冬粧.....文農

前期勘誤表

社評

爛羊頭之中樞

慎予

自孫傳芳起於東南。號召反奉。措詞雖未敢遽侵及段。而中樞之微弱無力。依違其間。已覺左支右絀。十三日制止軍事行動之令。幾經竄改。實屬煞費苦心。蓋輕重一有失宜。轉足挑起反感。欲求和平。惟有俯首。乃各方初則矢口調解。繼則調兵遣將。如故相激相盪。馴至釀成郭松齡之變。張郭戰事。固未可知。以中國武人之反覆。近且又有亟謀妥協之訊。而聯直聯馮諸說。光怪陸離。不可捉摸。惟此一起一伏之間。而端居中樞之段苦矣。

就現狀以爲觀測。各方在軍事上雖有接洽。於中樞之改造。實不相爲謀。擁黎之說。不過爲一部份繼舊者之想望。而委員制者。無論贊否。不一其辭。且非倉卒所能舉事。曹錕穢德彰聞。稍知自愛之直系中人。且鄙棄之。其他有心無膽之徒。亦未敢急切嘗試。際此旁皇無策之時。其必將擁段自固。以綏和各方之衝突。而強有力者。同時以改組閣員爲散布羽黨之準備。蓋有必然。然使各方稍有成議。其必不終於擁段。亦在吾人意計之中。夫以情理而論。若馮若張若郭。既無不以擁段爲標榜。孫傳芳不言擁。亦不言反。即以吳佩孚怨懟之聲。亦未嘗公然以一矢遺諸段。則段以各方擁戴之殷。執中樞之威信。宜若可以號令各方。旋轉局勢。然攷諸實際。外恭順者。內益不可測。揆諸京中現狀。段又安可以一日居。而所謂中樞。前有號令不出。都門之消者。今且不出府門矣。夫段既爲和平而隱忍。和平不可保。政策不克行。果使各方明言反段。則段誠又何戀於此無權無力之中樞。且將來去不遑。而今日者。一拉一推。幾使段欲去而不能遽釋。欲留而不獲稍展抱負。處境之苦。可以臆想。凡此種種。固不特今日之段如此。歷數過去人物。除袁項城手握雄兵。機謀蓋世。猶能掌握天下。消除反側。其餘無不蟄伏軍閥屏蔽之下。招之使來。揮之使去。終至啼笑俱非。進退維谷。幸段氏一年以來。以個人自持尙謹。雖不能有功國家。尙無大過。否則朝爲元首。夕不難爲階下之囚。天下之至尊者。其滋味不過如此。果有繼段而興者。將求如段而不可得。然則段去固無問題。而段去以後。有非吾人所可設想者也。

七八年來。強藩割據之勢既成。所謂中樞者。久不啻爛羊頭矣。蓋所貴乎中樞者。以其能號令天下也。以其能掌握財源也。今則事無鉅細。必視軍閥之喜怒。所謂命令者。惟以仰承軍閥之意旨。直不啻一留聲機。甚且任一官吏。可以任意迎拒。中樞威信。早已掃地。至於財政無法整頓。尤爲歷來政府致命之傷。國稅收入。除因担保外債關係者外。其餘幾於截留無遺。來源枯竭。而各省催詢軍餉。有如星火。羅掘既已乏策。真處山窮水盡之境。而使余言之尤痛心不已者。歷來政客學生。動輒詆責政府賣國。果使長此以往。將見欲賣國而無國可賣。夫以如此之中樞。而尙有人譏議不

已如羊附羶。亦可哀已。

大抵一軍閥之生長。其初爲爭奪地盤。地盤之擴充如意。第二步乃進而
以操縱中樞。馴至挾持中樞。遂爲各方叢怨之的。則失敗亦不旋踵而至。
前歲之曹。端居保定。果無艷羨中樞之野心。又何至有此尸幽居延慶樓
頭之歲月。至若此次反奉軍之所由起。與夫奉張所以中怨毒於人心之
故。有可深長思者。故此爛羊頭之中樞。得之固不足有爲。而欲依附以煊
赫一時者。則目標所集。怨所叢。結果靡有不敗。往事昭然。煮無或爽。
余之所論。非敢謂中樞之事。還可放任自然。靜俟其朽腐而不稍爲謀。然
有不可知者。惟公忠乃可以謀國。必相忍始能相期以有成。果能消除私
見。以謀改善。則段留亦好。去亦好。非然者。則操縱中樞成功之日。失敗即
將追蹤其後。可斷言也。

(十二月二日晚)

外力侵入之危機

菱伯

自奉軍內訌。和議中止。北方局勢。忽又變更。
奉張既自顧不暇。當然無再與國民軍抗拒
之餘力。於是近畿一帶。全在馮氏勢力範圍
之下。而大局之趨勢。亦遂側重於中樞改組
與外力侵入兩問題。蓋和戰二字。已成過去之觀念。不復爲國民所注意
矣。中樞方面。在郭松齡反戈之初。擁黎之聲浪極高。顧馮玉祥對此。始終
未曾有所表示。且據日來北京消息。馮氏仍表示擁段。維持關稅會議。惟
內閣改組。殆已成不可避免之事實。故就目前之局勢論。馮氏至少亦須於
最短期間內。維持段之地位。使中樞不致陷於凌亂狀態。擁黎一層。則未
必能實現也。

所可慮者。奉天方面。素抱親日主義。此次郭松齡兵逼榆關。若不速予驅
除。勢必至影響東北之根本問題。故張氏誓以全力討郭。以保存其關外

固有之地盤。其餘雖有極大犧牲。亦在所不惜。近傳有以三省礦產向日
本抵借現款五百萬及槍械一千萬之說。而日本政府以日僑之在滿蒙
者。爲數甚衆。爲保全僑民之利害及將來經濟之發展計。亦極願援助奉
張。藉保關外之安甯。故於郭氏反奉之初。彼國朝野。已特加注意。則今茲
之借款。自必樂予承認。惟張氏但求餉械充足。一逞其討郭之雄心。以保
其最低限度之關外實力。三省礦權。已不遑計及。然即使幸而戰勝。此種
喪權借款。已足令外人勢力之膨脹。矧勝敗之數未定。將來或尚有過於
此者乎。奉既以日爲後援。而蘇俄亦與國民軍表示親善。據十一月廿九
日莫思科電云。蘇俄勞農政府。宣布援助馮玉祥。設馮組政府。蘇俄可予
承認云云。是蘇俄又欲藉國民軍勢力之擴張。以增加其在華威勢。是以
表面雖屬內爭。然實際則因內爭而引起外力之侵入。國是前途。雖欲不
陷於混亂危險之境地。其可得乎。

歷來我國內亂。不過國內軍閥。互相爭奪權利。國民囂於武人之威勢。莫
敢抗爭。任其私相授受。往返報復。循環不已。以致釀成今日阡陌不安之
局面。然以前之戰事。尙僅限於內爭之範圍。故雖連年戰爭。重苦吾民。糜
爛地方。阻碍工商業之發達。財窮民困。使國內政治充其量亦不過常陷
於不甯靜之狀況爲止。然外力無由侵入。內政非無改良之希望也。一旦
國民有澈底之覺悟。羣起奮鬥。與武力相抗衡。國是未必無澄清之日。蓋
戰爭之範圍。祇限於國內者。其收拾也易。若益以外人之關係。則有別一
勢力參雜於其間。結果必致兩敗而俱喪。令第三者坐享漁人之利。斯爲
可懼耳。

學匪

隱之


中國之匪。名著世界。各省各縣。無地無匪。軍
隊之中。匪人尤多。時平則潛伏。世亂則竄發。
以焚掠爲能事。特盜賊作生計。約計全國此

類匪人之總數。當不下百萬。其所生之危害。已非新社會所能堪。不謂今日復增一特種之學匪。其行為之悖逆。更使匪患之程度激增。學匪者何。即充斥於北京等處。學界之敗類是已。夫匪與非匪。身體容貌。並無特異之點。非匪誠具有俗諺所謂之強盜相也。惟其不事生業。專以損害他人之利益。破壞社會之安甯。故得匪稱。吾人今以學匪稱北京等處學界之敗類。亦以其行動與匪人相同而已。當上週郭松齡通電回奉之際。北京政府人員。因不更動軍警防範。一時疏懈。當地學生。乃以政治運動為名。聚衆搗毀。政府中人多數私宅。並將晨報焚燬。夫學生之本業。厥惟研究學術。其他皆非分所宜問。即或因不得已而作愛國運動。亦當有一定範圍。但即此並已超越本業軌道之外。茲次北京學生之舉動。絕無必需之理由。亦無重要之目標。不過藉此機會。規避學業。挾嫌報復。其心是匪之心。其行是匪之行。然則即是匪也。又焉可諱。夫借學生之名。以成匪之實。是可稱為學匪。

記者所謂學匪。非僅指北京學界。乃指全國學生中之行為如匪者而言。北京學生之能恪守學業者。記者不敢以匪評之。北京以外各地學生之有匪行者。則亦當以學匪名之。前舉北京學生之暴動。特以為例耳。此類學匪。今以京滬兩地為最多。而其中多數皆含有共產黨之色彩。台聞有南方某校。學生可登學籍。而不受課。年滿亦可照例卒業。惟主持者若有號令。使為非學業範圍內之政治運動。則雖蹈危機不得辭。運動有功。並得獎賞。如此辦法。乃利用青年血氣及虛榮心與游惰性。甘為驅使者。頗不乏人。主特者。亦共產黨。此則更為學匪之養成機關。於此可知學匪。非北京所獨有。將來全國學匪為禍之烈。由此更可想見矣。

永無窮期。今並於此。一言其故。夫普通匪人。大都為無識莠民。可為惡亦可使以為善。地方安甯。警備得力。即不難立令偃伏而斂跡。且此輩皆貧賤而有體力。苟有生利之工事。招之使來。儘可化為工人。不再作亂。其强悍者。亦可勦而盡也。然學匪則非此法所能收效。彼輩既習為高等游民。不勞而獲。久成習慣。假借主義。以博虛榮。尤所心喜。有司既不敢嚴法以繩。且無相當職事。可使安置。薪薄之生業。非所甘心。而艱苦工作。又非其力所能任。於是高低不就。惟有仍任操其學匪之故業。享受存心叵測者之金錢。而其所生禍患。自亦無可弭止。

吾人觀察學匪之日多。以為將來國家之多亂。當猶不如今日。其結果必至使游民觸目皆是。共產黨走卒佈滿國內。而使中華民國為世界開一教育亡國之先例焉。國民其俟之。





羅素對五卅慘案之議論

羅素原著
受百達指

此次五卅慘案。英國熟悉遠東情形之在野名流。頗有主持公論者。哲學家羅素即其一也。本篇多忠告其國人之言。間有警切處。似自吾人心中爬剔而出。爰逐譯之以餉吾國人士。而今內訌驟起。政變方殷。國人對五卅之事。似將淡忘。茲以此篇塵讀者之目。慎勿謂為明日黃花也可。

吾國（指英國）之秉鈞樞者。對中國最近發生之五卅慘案。多深覺駭詫。各報如倫敦泰晤士報等。每稱此為新奇可異之事。實則凡稍研究中國近事者。當知此為事勢所必至。不足怪也。

居中國之英人。約可分為三種。商人官吏與教士是也。三者之中。以商人為最劣。教士較仁厚明察。但三者因種種關係。多偏于守舊。多固執不通事理。商人及官吏。多有深憾前清政府者。因其表面雖窳敗萎靡。但處理國內事務。究有其不可侮之威權。足使外人遵守已訂之條約。不許有踰越範圍之舉。因此觸彼等之忌。近中國之新進少年。因激于愛國思想。頗有傾向于反對耶教之趨勢。教士對此自非所樂聞。然此次事變起後。一般教士態度之公正無私。實遠在商人及官員以上。此大半由于彼等對中國人士較為接近。其職責又偏于勸誥方面。非用強迫高壓手段者可比。因相知有素。故發言不至與事實相差過遠。惟一般英人對於中國極為藐視。此實至堪驚異者也。

自一九一一年革命後。新中國即勃然興起。自此此新精神嘗屢屢影響於中國政事。最近之事變。仍不失為此精神之表現也。當歐戰後。中國不允簽凡爾賽條約。即此精神有以致之。中國曾加入歐戰。而此約竟將山東讓歸日本。自非事理之平。迄今山東仍能保全。實出于新進少年之努力。但僑華之英人。對曾受西方教育之中國青年。每輕視之。英國之官吏。若能於公餘稍一尋思。當知其態度實不智之甚。尤可嘆者。僑華英人之屬於上等階級者。多庸惰驕蹇。但知養尊處優。於實際情事。無暇研究。平心而論。吾人但能稍除成見。遇事稍有誠意。亞洲即不至發生此慘痛之事。但英人自夸之態度。已相習成風。以為凡曾受教育之英人。皆天縱之驕兒。視亞洲人民為劣等民族。歸其管轄。受其驅使。彷彿是情理之至當者。此種謬見。一日不除。即難冀其能與中國人士以誠相見也。

現今在印度及中國。皆漸養成一種特殊情勢。由少數貴族治理多數平民。而此貴族又非其本國人士。因之其地人民。皆有一種恐懼不安之心。理此特殊情勢。若不能取消。此種心理。即難泯滅。最近發生之五卅事件。即此種情勢之結果。此案由帝國主義眼光觀察。實愚不可及之舉。廣州沙面之慘案。亦何嘗非是。二者皆由於英國官員。處事無狀。以至引起禍端。待禍發而不可收拾。一時手足無措。頭腦失其常度。遂喪心病狂。肆行殺戮。激起舉國之反對。猶欲自文其過。乃揚言英國之婦孺。皆處於危險

地位。使英國人士。不暇究事理曲直。以爲華人皆殘暴無理情。非用此殘酷方法。不爲功。或有謂中國人士亦未始非情有可原者。即詆爲叛逆邪說。如香港之副主教。嘗稱中國學生在廣州慘殺案內。實蒙重冤。即遭朱爾典氏所駁斥。凡中國人士之意見。在此間皆不允公布。故吾等對中國近事。頗多隔膜。由此可知吾人所認爲真理者。非必果爲真理。蓋一巨案發生。吾人祇能知一方之偏見也。

今日英國政府在印度及中國之所爲。即自英人利益方面觀察。亦屬愚不可及。無論駐各該地之官吏或國內之內閣閣員。對於亞洲之戰後地位。皆未能有深切了解。處理有諸多不當之處。如對於近東土耳其國家思想之壓迫。實鑄成大錯。今已無可否認。在波斯吾人因戰爭而得之利益。結果皆爲美及俄所攘奪。又如日本自華盛頓會議後。與吾國日益疏遠。印度及中國。則更視歐戰爲歐洲文化破產之證。所謂白人其尊嚴而今已喪失殆盡。已無人信白人之道德觀念能超出其他民族。此皆吾人自取之咎也。

似此情勢。終非了解。將來必有爆裂之時。一旦爆裂。日人必且無幸。欲免此禍。別無他道。吾人須稍平此不可嚮爾之氣焰。以平等態度與印度及中國人士相接。前達斯君對中國事件。嘗提議主張退讓。而無有應者。似此則吾人仍主張不顧一切。以殘酷手腕對待中國人士矣。此甯非狂發耶。須知此種高壓政策。於現代已不適用。而吾人守舊性成。於一百五十年來。竟毫無進益。仍依然故吾。吾人之種族觀念及階級觀念。牢不可破。此二者於歐亞間邦交之融洽。其爲障礙。較經濟開拓之觀念尤甚。但吾人對印度及中國人民。若仍持此橫驕之態。行見吾人將無機會再於該地從事於經濟開拓矣。

此次中國之暴動。其人民對英人尤深致憤懣不平之意。此在英人決不可忽視。五卅之事。其起源雖由於一日本紗廠而巡警之行動則大半由英人主使也。日人自華盛頓會議後。態度異常縱容。並不表示對中國有急於侵佔之意。日對英無所愛憎。脫對英仇意甚深。英處此情勢。對華猶欲用高壓政策。吾知其終必無幸。今若不及早改絃易轍。似此殘酷不仁。將來必遭屏斥於亞東無立足之地。所被之恥辱且永難湔滌也。

上述吾政府所抱政策之愚拙。但此策即能成功。吾人亦難予以曲恕。今試言工業情形。英人嘗伴稱其工廠狀況。較他國所設工廠爲優。英國資本家久欲對中國工人加以優惠之待遇。而迄未得華人同意。故未果。但據七月三日泰晤士報伯克斯君(Mr. C. R. Buxton)稱上海各紗廠所雇重工。在十二齡以下者。以英國紗廠所雇者爲最多。吾人又將何以自解。中國之新青年。大半深惡痛絕於資本主義。但彼等於外國資本家前。不輕發表其意見。故此輩不能知其真正意見。須知在中國反對資本主義。即勢必反對外人之勢力。因在中國作祟之資本家。即外人也。吾人若以中國國家思家。視爲一種罪戾。此見解非特可笑。且爲目光短淺之論。中國於近百年來。國勢萎弱。日本即趁機欺陵之。加以難堪之恥辱。但中國之萎弱。祇在政府。其人民因壯健勤勞。且其數較任何國家爲衆。不特此也。其物產又備極豐富。故除政治方面外。中國之勢力實不可侮。外人加以壓迫。適足以促其覺悟耳。

中國今日所要求者。乃現今各獨立國家所共有而彼所獨無者。即國家之自由主權也。日本有一時期。亦曾處此境。後卒因有精強之海陸軍。成爲完全自由國家。俄國前嘗受西方之經濟束縛。後乃亦恢復其自由。中國最後亦必有此一步。必取得充分之行政自由權。俄國及中國既循此途進行。印度自不甘作壁上觀。必努力設法脫離英人之羈勒。是乃事勢所必不可免。實爲天下之公理。人類之福音。無論吾人反對之。歡迎之。終必實現。既必實現。則吾人若從旁加以輔助。加以鼓勵。促其成功。不較無益之反對空費財力。徒墮聲譽。而終不免失敗之爲愈乎。




歐化之土耳其

現今土耳其其人民。無不染有革命思想。此凡于近五六年間曾赴彼邦者。類能言之。其國內充滿一七九二年法國革命之氣象。其人民受三百年前法人革命思想之影響極深。但吾人若加以精密之觀察。當知土耳其之革命。與從來歷史上有名之革命。性質不同。各國之革命。大都為演進的。大都為對於已有情狀不滿意而驟行爆裂。但此爆裂並非無端而至。事前有長期之醞釀。一旦時機成熟。乃有此舉。所有在十七及十八世紀。英美法之革命。大半如此。是乃向前演進之革命。土耳其之革命。則不然。彼醉心于西方思想。又知此種思想。非其固有。不能安然收歸己用。爰有出于革命之決心。故土耳其之革命。實為精神方面之改革。放棄其固有文化。別採一異樣之文化。吾人若以英法美之革命擬之。無甯以日本最近之變法維新擬之。尙較為近似也。

吾人試回溯土耳其其當年蘇利曼在位時之情形。與今相較。即可知彼邦人士之思想。在此數百年內。已有極大變遷。當一五二五年蘇利曼秉政時。土耳其方在全盛時代。占領脫蘭斯里瓦尼亞。降地中海之馬耳他島。席捲北部非洲。與波斯戰。大拓版圖。其人民皆自視甚高。國中一切事業。秩序井然。凡欲在政界居重要地位者。須自幼經長期之教育與訓練。逐漸遞升。即有貴顯之親友。亦無可攀援。有諳西方學說者。更無所用之。蓋

其時對於西方學說思想。極為輕視。有歐西商人赴彼邦經商者。亦多以異類視之。不屑與之為友。一切生活情形。更不屑加以摹仿。惟戰爭所用之利箭。仿效處甚多。此外蓋毫未受西方思想之影響也。

土耳其新京安果拉



今試述土耳其當一千七百七

十餘年時之情形。其時該國屢與俄戰。結果喪師失地。勉立屈辱之和約。固有之尊嚴。已表失殆。盡所謂全盛時代。至此已成陳跡。總之彼在海陸方面之勢力。已為俄軍剝奪無餘。俄人在土耳其。人民夙所斥為野人者也。至是竟稱霸一時。其所以有此成功。蓋因彼于百年前。即放棄其固有文化。悉力採納西方文化。故戰勝土耳其者。表面為俄國。實則西方之文化。西方之

戰鬥利器也。其時土耳其有三方受敵。沿黑海岸。有俄人之窺伺。多腦河

下游。有與人之壓迫。而在地中海一帶。則有英法繼西班牙人與土爲敵。彼在此情形下。欲免爲異邦所侵略。唯一希望。但有努力步俄之後塵。從事于吸收西方文化耳。

土耳其既有此新覺悟。知非竭力歐化。不足以圖存。故自一七七四年直至最近七年前。在此時期內。其人民無時不在採納歐西之文化。但因其缺乏除舊布新之決心。故迄無多大成功。彼等意欲保留舊瓶。而貯以新酒。結果新舊相衝突。新酒加力愈多。愈覺格格不入。彼等所最注意者。仍爲西式之陸軍。西式之鎗砲子彈。且其國內種族複雜。意見不一。于是對于西方文化之摹仿。有畫虎類犬之誚。故巴爾幹戰爭後。失其在歐洲領地之大半。歐戰後。復失去阿拉伯及古的斯。面積約達其在亞洲土地之半。此時無人敢信世間產能出一成功之新土耳其。即其本國人士亦未敢有此奢望也。

實則歐戰之結果。于土耳其人民。至有利益。自經此創後。將其固有之文化及光榮。根本剷除。轉足以堅其拋棄舊瓶。以新瓶貯新酒之決心。此外尚有環境改善之處。如俄國。由專制而改建共和。以前爲仇讎。至是爲好友。又如德國。前亦爲其敵人之一。在其國內氣燄甚高。至是因戰敗。乃偃旗息鼓而去。尚有進者。此時即戰勝之列強。亦皆疲敝不堪。對土無暇顧及。故歐戰後。彼邦減少甚多仇敵。平添甚多好友。但此祇爲其外表地位之變遷。其獲益最大之處。仍爲前所述其人民心理之變遷。不復以其固有文化。妄自誇大也。

歐戰後。土耳其本國之地位。亦較前改進。譬如其國內有一部分土地及人民。本非其所有。而彼數百年來。費盡無數心力。必欲併爲已有。結果實得不償失。至是乃毅然去此贅疣。又如其國內人民。對于國家觀念之變遷。亦極關重要。當一九一九年。希臘占據士麥拿(Smyrna)于是居於色雷斯(Thrace)及河那托力亞(Anatolia)之土耳其人民。皆被震動。思及其國家被異邦侵入之危險。不期而激發其愛國之心。以前彼邦每耗其兵力財力爲宗教戰爭。而置其國家前途發展于不顧。而今其新國民黨已有覺悟。知人民身爲國家奮鬥。欲強民須先強國。自有此覺悟。吾知彼邦在國際間。必能努力爲一優秀之國家也。

吾人欲知其國內改革情形。須先明其人民心理之變遷。土耳其人民。乃一種特異之民族。二百年前。彼等對西方文化棄之如敝屣。雖與之時相接觸。而絕未有所習染。繼而漸願容納其文化之表面一部分。質言之。即其作戰技術及軍用利器。俾可與其強鄰競勝。終乃全部墮入其中。渴慕西方文化。如大旱之望雲霓。惟恐稍一延緩。致爲其文化之落伍者。其前倨後恭態度。凡稍知彼邦情況者。皆歷歷見之也。

土耳其自戰勝後。可自由處理國內事務。因之對內有種種偏于歐化之改革。先是歐洲列強。在彼邦訂定治外法權。不彼等人民居其國內。不受其法律之約束。無納稅義務。所有進出口稅率。皆由條約內訂定。土政府無權自主。與吾國今日情形。如出一轍。彼邦自經革命後。乃向各國要求將前訂諸不平等條約廢除。此等條約。係當十六世紀時所訂。其時外商在其國內爲數極少。故雖畀以特種利益。亦無甚關係。其政府當時又萎靡不堪。祇可任其存在。三百年後。外商日漸增盛。因此種條約之存在。竟影響于全國之經濟生活。土人遂不能忍。傾其全力于推翻條約運動。結果竟如願以償。自條約廢除後。外國公司銀行在彼邦深受影響。被迫閉歇者甚多。其實近代一大快人心之舉也。

彼邦內部尚有一種糾葛。足以妨礙其前途之發展者。即土耳其本族以

外其餘較小民族之處理問題也。此種民族。土人向野人視之。幾不齒爲人類。當年亦曾予以自治之權。此並非由于尊重其人民。蓋鄙視之甚。不屑加以管理。故其內部情事。任彼自了。土民不欲聞問。惟每年須以人民牲畜及貨物向土政府納貢耳。當十六世紀時。按此辦法。進行甚順利。但至今日。情形大變。此等小族。本各擁有自治之權。一旦經西方文化之薰陶。乃各發展其民族獨立思想。不得已與土政府合作。此于土耳其全國。至爲危險。蓋因各民族之待遇不平等。故彼等在國內。各占有不同之階級及職位。土耳其本族人民。大都藝農。所有政府高級官員。亦多屬此輩。而希臘猶太等勢力較小之民族。則大都從事于工商業。隱然爲全國經濟生活之中堅分子。土耳其人民在工商界竟難與之競爭。近彼邦新國民黨。深知此種情形。不利于其國家。乃設法減少希臘猶太等民族在社會所享之利益。以期削減其勢力。一方並將彼等實行驅逐出境。如阿那托力亞及色雷斯。皆有大批人民遷出。此一言以蔽之。無非因歐化而發生之結果耳。

新國民黨對于其國內政治社會及經濟方面之改革。皆積極進行。當一九二二年秋季。土耳其帝室被推翻。改建共和。其人民受專制壓迫已久。至是方開始爲自由人民。土耳其帝室之推翻。于彼邦有三大利益。第一。其人民對于國家種種努力奮鬥。前祇係爲一姓一朝代之利益。今則係爲全國人民之利益。人民以而爲奴僕。今則居于主人地位。第二。以前其帝國政府。開支極巨。長年虛糜國帑無算。今則種種朝廷之繁文縟節。悉行蠲免。簡接足以裕人民生計。第三。凡崇慕西方文化之國家。方在摹仿期內。若有一違背世界潮流之舊式專制政府存在。實深足以妨礙其歐化之進行。今帝室推翻。則此後于歐化方面。可步步前進也。近來微弱之

國家。如波斯摩洛哥等。其政府每有憑藉強鄰之勢力。以鞏固一己之位。對國內人民加以壓迫者。土耳其則幸未有此。是亦一可喜之氣象。彼邦于社會及經濟方面。現有三種運動。方在發展中。一爲女子解放運動。一爲種植方法革新運動。一爲使土耳其本族人民努力經營工商業之運動。新土耳其之前途如何。將于此三種運動能成功否卜之也。

人類何以不食昆虫

據昆虫學專家斯丘得林 (Paul Scher Dlin) 稱。人類不食昆虫。固因其味不適口。但大半曾因習俗相沿如是。並無何種實在理由。據史乘所載。且往往有述及人類有食虫之嗜好者。如希臘人好食蝗蟲。每年市場上有大宗蝗蟲出售。視爲佳肴。而今北非洲尙有此風氣。有生食者。有炒食者。又如羅馬人好食一種地蠶。據謂烘而食之。極肥美鮮嫩。吾國現仍有食蠶蛹者。成亦係羅馬之遺風歟。當荒年時。食糧缺乏。亦有被迫食蟲者。如十七世紀時。愛爾蘭大荒。人民相率食一種甲蟲以充饑。由是可知昆虫未始不可食。且今人有食蛇田雞蟹蝦等物者。凡此皆與昆虫相類之動物也。



張宗昌在徐作戰別紀

鑑 吾

張宗昌於十月二十一日到徐。十一月七日敗退。中間經過情形。因當時新聞郵電。悉被扣留。不能透露於外。（張氏到徐時。各新聞記者。在電局拍張宗昌到徐五字。檢查員亦不准拍發。）致萬目睽睽之徐州戰事。舉世無從得其真相。殊為歉憾。茲特追錄而排比之。以餉閱者。庶或不以明日黃花見誚也。

（一）來徐之前因 去歲張宗昌率第一軍南下時。即委其親信孫鉢傳為徐海鎮守使。賈月壁為銅山縣知事。迨北上就山東督辦任。更將姚霽之補充旅。滕殿英之備補梯團。留駐徐州。姜楊督辦蘇皖令下。曾有一度戰謠甚熾。山東督辦公署。傳出消息。謂奉方對於作戰計劃。南京蚌埠。皆可不要。而徐州不能不守。故楊宇霆於十月十九日。由南京出走。二十日至濟南。是晚徐州官廳。即接張宗昌來徐之電報。二十一日早晨。張即翩然蒞止矣。

（二）軍隊之總數 張宗昌來徐之初。係就蘇皖直魯防禦總司令職。將所部魯軍。分為七軍。自為總司令。兼第一軍軍長。方永昌副之。施從濱第二軍軍長。畢庶澄副之。孫宗先第三軍軍長。程國瑞副之。褚玉璞第四軍軍長。吳長植副之。許琨第五軍軍長。張培榮副之。六七兩軍。迄未成立。每軍約一萬五千人。此外尚有先遣隊。備補梯隊。鐵甲車隊。敢死隊等。為數約五萬人。計共十二萬人。嗣後張作霖復任張宗昌為東北陸軍第二方

面軍團長。於是又將營改為團。團改為旅。旅改為師。有九師、三十五旅、十五梯隊、五督戰隊等。軍長名目次第。亦有更易。然因時間急遽。軍隊實數。并未有若何增加。

（三）作戰之佈置 張宗昌到徐。姜登選尙在蚌埠。南路全無恙。徐東雖有張鎮、李啓佑、白寶山各部。躍躍欲試。張宗昌毫不置意。傾命孫鉢傳

張 宗 昌



之守備隊。滕殿英之備補梯團。開赴運河一帶。以資防守。而以孫宗先之第五師。畢庶澄之三十二旅。俄人聶洽也夫之鐵甲車隊。

開至碭山。劉偉之第二旅。方永昌之衛隊旅。開至蕭縣。戰壕自碭山車站外洋旗起。沿陳寨、邵寨。掘至回龍集。蕭縣由垓山口。經瓦子口。掘至朔里店集。綿亘二百餘里。外間有張氏包打河南謠傳。蕭碭人民。均紛紛遷避。

(四)徵調之繁苛 奉軍此次開拔來徐。甚為迫促。一切軍需給養。十之八九皆向地方徵發。凡麵粉、燒柴、馬乾等。轉輸運送。不絕於途。而牛車一項。調用尤多。除用以轉運軍需品外。兵士更取以代步。農民恃牛車為耕作惟一工具。至是亦莫可如何。又兵士屯駐。往往向民家索取褥被臥具。人民更不堪其擾。此外尙派兵費四十萬。銅山九萬。蕭縣六萬。碭山三萬。豐縣五萬。沛縣五萬。邳縣四萬。睢甯四萬。宿遷四萬。

(五)社會之恐慌 奉軍多壓餉。平日特有軍律約束。不敢放肆。一旦臨陣。縱之向民間索取食物供應。真是如虎出柙。莫能就範。商店閉歇者。日有所聞。學校學生。多停課還家。戒嚴司令孫鈺。曾向地方人宣告。謂地方事業。不停自停。因是稍有資產者。多向滬漢等處遠避。貧乏者。無可倖免。只得在家坐受蹂躪。軍隊過處。米粟雞狗牲畜。劫食淨盡。徐州城內。於三女師範學校。設婦孺救濟會。以備危難時。收容婦孺。

(六)攻守之情勢 張宗昌起始。對東西南三面。皆取守勢。以逸待勞。陣線頗覺穩固。嗣窺知白寶山李啓佑等無備。那士廉孫鈺傳遂於十月廿六廿七兩日。攻白寶山。入海州。同時姚壽騰殿英由運河攻李啓佑。入宿遷。廿八廿九卅卅一等日。姚邢兩路。會攻馬玉仁。圍清江浦。戰於楊莊。西壩王營等處。南路軍情。此時亦形緊張。自十一月廿五日起。夾溝以下。時與孫傳芳之聯軍接觸。一彼一此。互有勝負。至十一月一二兩日。任橋大戰。俄兵團殲沒。施從濱被俘。張宗昌在徐聞訊。頓足長嘆。急赴前線督戰。更檄調孫宗先方永昌兩軍。加入南路。惟蕭碭空虛。又恐為豫軍所乘。在夾溝支撐一二日。無心戰戀。即棄徐州北去。東路邢士廉等軍。亦被牽動。

一兵士在街頭招募。一應募者曰。我甚願入伍。奈不得餉銀何。招募者曰。請你放心。隨我到營盤。先給汝一元。應募者笑曰。恐怕你老哥尙未見過一元錢。招募者聞言太息曰。誠如汝言。我這冤苦。可向誰說。第二在派別不同。孫宗先之第五師。施從濱之第四十七旅。皆與張宗昌部之奉軍不相能。孫軍於駐在地時。向人民宣言。大家不要害怕。我們不搶掠。不向你們要給養。也不打仗。我們非奉軍。乃山東第五師。施從濱在任橋戰爭。最吃緊時。其部下下級軍官。即有異動。全軍被人繳械。皆原於此。第三在兵士多土著。張宗昌之部下。在徐招募者甚多。兵士皆蘇皖魯豫四省邊地土著。因在軍中。諸多失望。咸欲還家。度其團圍生活。兵家作戰。最忌近地。(見孫子)張宗昌固不知也。

(八)潰退之景象 張宗昌自十一月三日起。每晚均赴前線巡視督戰。五日有退讓徐州之說。六日晚。下令城內外駐軍。一齊登車北去。七日早六時。張率司令部文武人員。及第三軍長程國瑞。銅山縣知事賈月璧。由津浦路退韓莊。孫宗先部第五師。由隴海路退碭山。孫鈺傳之守備隊一營。方永昌之衛隊旅兩連。留徐未去。為聯軍繳械。孫鈺傳午後四時。由運河退至徐站。稍停片刻。即離去。夾溝方面。尙有兵士二萬人。聞訊四散。俄兵三百。在前線退回。由徐徒步北進。東路許琨姚壽由贛榆退日照。方振武由灌雲退沂州。邢士廉、姚寶蒼、倪占魁。由海道乘帆船逃青島。潰兵沿途搶劫。時復盤踞。不肯遽去。邳宿之間。截至今日止。潰兵猶未去盡。

(九)損失之統計 除所攤派之兵費四十萬。有成數可稽外。若徵發給養及調用牛車。皆漫無限制。考核無從。但最低限度。每日每人須用燒柴二斤。麵粉一斤。不能再少。以十二萬人計。是每日須用燒柴二十四萬斤。麵粉十二萬斤。價值二萬元。奉軍在徐。計共十六日。是為三十二萬。銅蕭

碭三縣約毀牛車九千輛。豐沛兩縣三千輛。邳宿睢三縣八千輛。計共二萬輛。每輛價值三十元。是爲六十萬。蕭縣繳槍六百枝。碭山繳槍六十六枝。每枝價值一百五十五元。（徐州槍價。確係如是。且尙不只此。）是爲十萬。共計一百四十二萬。其他劫掠焚燒損失。尙在調查中。

（十）徐民善後辦法 徐州人民。於此創鉅痛深之日。各縣人士。乃發起兵災善後救濟會。以圖補救。當於十一月十五十六兩日。開會協議。推定

楊懋卿、王浩如爲正副籌備主任。張世毅、劉虛舟、尹聘三、李召貽、邵鏡人、趙毅齋爲總務、交際、調查、賑濟、編輯、經濟、各項幹事。更分南京、天津、甯滬、徐州同鄉及省政當局。請求贊助。現在各縣調查委員。業已分途出發。其調查事項。爲人口傷亡、農作物、糧食、柴草、牲畜、衣服、銀錢、房舍、槍枝、用具等損失。并將人民流亡、農村零落、掘挖戰壕、及炮火燬壞情形。分別攝影。以便根據振濟云。

衣飾瑣言

穿衣習慣的起緣

人類初到這世界上來的時候。本來是全身副批掛的。原始的人類。自頂至踵。本來是有一身厚皮和粗毛的。當時再不料人類除此外。還要穿所謂衣服。後來一般住在熱帶的兄弟們。對於他們本有的「厚毛外套」。漸覺得不很舒服了。又有一般住在寒地溫度較低的地方。却又覺他們的天然衣服。不能抵禦外界的風雨和冷氣的侵襲。覺得冷不可當。這時便運用他們的腦力。將獸皮剝下。裹在自己身上。覺得溫暖舒適。他們嘗着穿衣的甜頭。便長年裹着一身厚皮。再不肯脫下。於是本有的毛皮。漸漸退化。那在熱帶的人民。他們的皮膚。日常與日光和空氣接觸。便漸漸轉成光滑。無用的毛髮。漸漸脫落。他們還在皮膚雕刻種種花紋。以爲美觀。這便是人類在太古時發明穿衣服的起原。



未來之空中毒氣戰爭

孫

美國化學戰爭攷察部主任勃萊德曰「以飛機一架。裝毒液二噸。向地噴射。則可使寬百尺長二十一面積內之人民。皮膚皆中毒而致斃。」

奈本氏曰「據化學戰爭部之計算。施二百噸之新式軍用毒氣於紐約島。一時間可將其區內之人畜毀滅。或使麻木。因是之故。國家生命。不致滅亡之危險。列國之間。彼此若不能以飛機互相箝制。恐將同歸於盡。」

法國大將麥脫羅脫曰「重一千一百磅之炸彈二十枚。可毀滅一大城。將來空中軍力佔優勢者。即能稱霸地上。」

法國馮維爾將軍曰「毒氣在戰爭中。已佔優勢。加以飛行事業之發展。毒氣飛機兩者之合用。戰線後方之城鎮。行見毒氣瀰漫矣。」

伊爾文氏曰「施用毒氣飛機。可使巴黎羅馬或倫敦。於一夕間。陷為墟墓。」

英國曼徹斯得導報言曰「下屆大戰之殺戮。概由飛機行之。散播毒氣及微生虫。以毀滅人畜。拋擲燃火炸彈。以毀滅工廠城鎮及鐵路。」美國費將軍曰「將來之戰爭。吾人必將使用

充分之毒氣以自衛。」又云「化學戰爭。將來不特為各文明國所依賴之一種戰術。並且為各文明國所不當躊躇不用之一種戰術。」

美國薛少將曰「將來之戰爭。愈屬化學。愈合於科學。凡化學工業發達之國。定能享受許多便宜。」又云「將來除化學戰爭外。無效用更大之代替品。」

亨德烈氏曰「假使一國欲圖永久自由與獨立。除製造顏料之外。最要者。尚須囑其子孫。極力研究化學。倘不能探化學之秘奧。則其民族之生命。將永操於他人手中。」

美國軍官米基爾氏曰「遣飛機數架。遍繞紐約周圍三百里以內之地。費八日之時間。拋擲毒氣。即可毒斃全區之居民。」

美國化學軍備處研究主任不拉那氏在美國議院報告「以一機器盛二噸重之毒液。而噴射之。能令長七英里。廣一百英尺之面積內。一切生人皮膚。接觸此液。即刻斃命。」又謂「此種毒液。美國現能日出數千噸之多。」又謂「今日戰艦雖愈出而愈強。然自飛機與毒液並行。則戰艦全失效用。毒液三點即可殺斃一命。

據最近世界多數大化學家及軍事家宣言。皆謂「如以美國今日之能力。而採用此種戰術。則雖面積大如美國。亦不難於二三十小時內。使毒液瀰滿全國。而今所有居民。咸沉迷酣睡。或盡歸死亡。」

美國薛少將言「毒氣及化學戰品。實為天下最合人道之戰具。蓋因毒氣效用之緩烈不同。可以吾人之意思而左右之。如僅欲使敵人失却戰鬥力。可用緩和之毒氣。使之沉迷。或使盲目。或使皮膚感痛。不久仍可救治。非若鎗礮炸彈。不中則已。中則重者死亡。輕者亦毀肢斷體。吾人毫無節制之餘地也。據美國陸軍部報告。歐戰中美兵所受毒氣之傷害。較諸鎗礮炸彈。雖多至五十倍。然送醫院療治。中毒氣無救者。不過百分之二。而受其他傷害致命者。則達百分之九。云云。

吾人觀於以上種種可驚可駭之報告。以視國內戰爭。頻年不息。何啻蠻觸雞鬥。真不知作何感想。國中軍閥。有仍迷信武力。謂可征服一切者。曷不一放眼光。曠觀世界。當亦知所返乎。



青島 (續)

十五關稅法之改革 光緒三十二年。青島實行商業上之大改革。舉全租借地加入中國關稅條約範圍以內。光緒三十一年一月一日以前。

凡由海外輸入租借地之貨物。

再向租借地外輸出時。方始納稅。

今則改正之。凡輸入於租界之貨物。

皆須直向中國稅關納稅。

換言之。即不問其是否租借地內銷用之貨物。

一概征稅。此改正結局。更於德國有利。

輸入貨物中。欲區別孰為運往中國內地者。

孰為消費於德國租借地者。

極為困難。故中德兩政府協議。

不問其是否消費於租借地貨物。

按稅關所收輸入稅金抽二成。

交付德國政府。歷來消費於租借地內之輸入貨物。

向為免稅。制多數德商希望改良之。

乃於光緒三十一年。籲請總理大臣變更舊章。

於是將租借之自由港制取消。與中國沿海通商口岸上海烟台天津等處同樣辦理。



(一) 青島海濱風景

惟特設自由港區域。為他口岸所無。即由海外輸入之貨物。存留自由港區域內。暫不納稅。連出區域以外時。方始納稅也。此方法使一般商人得免去大額之關稅。無息存港。便利商業。草善於此。此新關稅法。雖使青島商民負擔增大。而統盤合算。原來青島目的。在使之為大商業地。不可單著眼於青島之局部的商業。新關稅法極為簡單。而又極合於商業地之主旨也。舊關稅法。凡由中國內地來青購買貨物而為輸出者。須自己



(二) 青島海濱風景

菱伯

在租界地境界關卡辦理關稅手續頗感不便。又青島商人販運貨物入中國內地時亦復同樣煩難。故欲向中國內地輸出貨物者。因關稅之煩累。幾致中止。其妨礙商業殊甚。是改正關稅法。盡除此弊。誠商業發展上極堪稱揚之舉。此亦青島歷史上發展之趨勢所致。故始而採自由港制。反不如普通制度之適當也。

十六造船所之新造 光緒三十二年不但築港事大見進步。在石油半島港岸而向棧橋所建築之海軍造船所。亦設備完善。可供使用。

該造船所有容一萬六千噸之浮船塢。備置新式機械。應有盡有。並備有大工場與舉力一百五十噸之起重機。及千米達之機橋。堪稱東洋之最大最新式者。以修理各種船舶及製造礮艦快艇曳船等爲目的。

十七屠宰局之設立 新設立之屠宰局。於光緒三十二年開始營業。其設備以德國多年經驗營之。最近英國新聞嘗載有英國商人販中國南方屠宰之冷藏豬肉運入英國試賣。經衛生當局驗爲病豚。拒絕入口云云。以此觀之。青島屠宰局衛生設備完全。裝置悉爲新式。將來得佔商業上偉大利益。可拭目以待也。

十八發行兌換券 青島租借地內應辦事業。自光緒三十三年以至宣統元年之間。諸事業經就緒。其發展之狀。不遑一一枚舉。茲略述光緒三十三年之事件。當時由德華銀行發行紅島兌換券。先是青島向無鈔票。悉使用膺僞難辨。及不足分量之銀洋。充滿衣囊。亦不過能帶百枚。合二百馬克。已重累難步。如再多攜。殆爲不可能之事。自兌換券發行以來。雖年久不免污爛。然行使紙券其便利殊廣。故該兌換券之發行。實租借地內商業發達。及金融流通之要務也。


十九光緒三十三年之事件 是年與辦事件大略如下。悉與租借地發

展進步上大有補佐。(一)總督府學校第一期初等第二級生試驗。一年志願兵及格。并在該校卒業。(二)該校遷徙於新築校址。(三)火油艙始由美洲開來。(四)僑居青島之長江諸省華商。於是歲共建宏壯之俱樂部。

二十津浦鐵路 光緒三十四年一月中旬。訂立敷設津浦鐵路條約之報告來青。該鐵道

距離一千零一十五啓羅米達。北通天津南聯長江。貫通華北。通過膠濟路終點之濟南。使膠濟路約與華北鐵道。及交通世界之西北利亞線相聯絡。津浦鐵路北部約三分之二。由德人資本材料及德人技師指導而修成。是誠德意志外交政策之大成功。惟將來該線是否能補佐青島商業之發展。抑或反而將膠濟路及租借地之貨物媒介運往他港。目下尙難臆斷也。

三一青島大學之設立 該校之設根據光緒三十四年訂立之第二協



青島海水浴場

約創辦斯校。無論從何方面着想。不能不稱為租借之幸福。中國政府與德國政府決定共同創立青島大學。而中國方面不擔認其建築及維持費。名雖共同。實則歸德人籌劃也。覆之是舉。乃中國政府真意容認外國人之創立學校。藉謀兩國彼此互利起見。蓋當時德國意在融治中國青年。

為扶持其在中國根本勢力之方法。是即德人設校之由來也。凡中國小學校卒業生。皆得入六年之豫科肄業。准備將來升入本科。修習政治。理學。農林各專門科。本校之特色。不在教授西洋學術。而可注意者。為兼收中國純粹文學。宣統元年十月二十五日大學校開校。有中國中央大員列席。在前礮兵中隊兵舍。舉行開校。紀念碑。



青島第三公園

光緒三十四年及宣統元年間。無可特記之事件。茲略舉其稍有可言者如左。

二二碼頭之完成 光緒三十四年。設火油棧橋於大港。於是大港有大棧橋二。而有船橋及火油棧橋各一。

二三高等法院之設立 光緒三十四年久懸不決之青島法院。竟見諸設立。於是訴訟採用第一審第二審制度。換言之。現在租借地適用裁判制度。舊來上海之領事裁判所歸於廢止也。

二四宣統元年之事件 宣統元年。租借地中鑄造白銅幣（五仙十仙）以資流通。許可抵當銀行。設天文台以占東洋海上船舶之安全。天文台係由德意志海外艦友會釀金建設。

以上所述租借地外觀上之發達。至此暫告終結。茲更說明內部發展如左。

二五經營方針 歷來我國對於殖民地之方針。約有三種見解。即以之為海軍根據地或商業發展地及文明中心地是也。然此三者必相與併進。不能各個獨立。佔領青島時。雖目的在闢為海軍根據地。而終必使成為商業地及文明中心地也。

德政府對於經營青島商業地。其設施既詳前述。而商業之發達。端賴商界之自勵。當佔領之初。青島一隅。極稱空乏。尤缺商業上必要之貨幣。故入口船舶。恆載貨幣。以資周轉。

二六商業政策 德對中國商業政策。向以輸入德貨為目的。然山東省歷來貿易不盛。當租青島之時。其間住民購買力甚屬薄弱。需用德貨極少。乃不得不獎勵輸出中國內地產物。蓋輸出一盛。一般華人自然富裕。而購西貨之力。亦因而增大。是即德人之主旨也。然當時有最為

困難之事。凡德國商號必須僱雇華人。而最難得精通商業之人才。蓋華人商賈。率依舊式經驗。外人雖通曉華語。亦非由華人仲介莫可。否則難期商業之發達也。當光緒二十六年時。青島華人商業。多由南方人操之。而彼等之不通當地情形。正與德人相同。故終未能得充分達其共同目的。自是年起。始有山東著名華商來青。開設店鋪。

二七商業之發達 青島商業之大發達。在鐵路竣工之後。其最奇異者。輸出較輸入增加率。遙出其上。宣統元年中國物產之輸出額。比較光緒三十一年約增加二倍半。光緒三十一年約一千萬元。（一元合兩馬克）至宣統元年則增至二千五百五十萬元。輸入歐貨之額。光緒三十一年為一千五百萬元。宣統元年增至二千五百五十萬元。增加僅一倍半。此種現象。非唯青島如是。即其他中國各地之外國貿易。亦無不然。此輸出入相差之原因。雖屬複雜。然以日俄戰役中。歐貨來東洋市場者過多。存有餘裕之故。其他則因光緒三十三年銀價暴落及中國貨幣之不良。是即當時廢止制錢。改鑄價值較賤之銅元。凡此皆輸出增加之大原因也。以上種種原因。雖屬於一時的。而輸出之激增結局。乃使青島商人深信將來輸入必見增加。是以極力吸收新輸出品於青島。以輸出於世界市場焉。

二八輸出貨物 茲略舉由青島出口貨物之一二主要者如次。第一輸出。為中國婦女小兒於冬季閑散時編織之草帽。光緒二十八年輸出價七十萬元。宣統元年一千萬元。其增加達十四倍以上。現由華運出之草帽。辦四分之三。由青島輸出。昔日其第一輸出港口為烟台。今該地大形冷落。輸出僅當青島七分之一。將來歐洲婦人社會倘需用更多。青島尤當努力輸出也。第二之輸出品為繭紬。惟其增加率未如

草帽辦之大。近年遍地栽培落花生。輸往歐洲。因法蘭西意大利橄欖收穫不良。以落花生為代用品。極受歡迎也。其他貨物姑略。總之青島創立之際。第一輸出品。當推山東煤炭。夫設立炭礦。十年內固不能收利。得見煤炭之出。已為滿足。山東鑛山公司之炭礦狀況。正復如此。宣統元年坊子炭礦約採三十萬噸。博山炭礦約採十三萬噸。博山炭最合於輪船之用。將來德國之路易。德輪船公司輪船定期來青。其需用該礦之炭。當更加多也。此定期之海運開始。得直接與德國連絡時。德貨之輸入。將自然增加。現今來青之主要德貨。為顏料五金品縫針等。

二九殖民地之前途 租借地之商業。不但目前極為繁盛。將來尤有厚望。光緒三十四年。已遠駕於烟台之上。其翌年之貿易額。共合六千五百萬元云。

三〇增加輸出方法 欲加增中國物產之輸出。不可僅注意物質的方面。更須講求他法。即研究心理的方面是也。外國商人。應詳查中國內地之情狀。會同華人共同努力於中國之發展。以開發自然之富源。若能善體斯旨。輸出時益加無己也。



青島石頭樓

三一外國對華政策 試觀現時形勢。彼光緒二十六年將瓜分中國國土之列國。今日反欲改建此老大國。當拳匪之亂。各國頓悟瓜分中國之困難。日俄戰役。日本大敗強俄。當時中國深信列國因種種困難。不致分割其國土也。日本甲午戰勝。以中國弱狀暴於世界。更以戰勝俄國之餘威。示強於其同種之中國。邇來歐洲各國對華政策一變。以灌輸文明為主。而以侵略附之。此其內幕之野心。固昭然若揭。無可諱言。德國亦當効尤。輸入德國之文明。同化華人。使華人洞解德國情形。且信服之。以使此永久閉關自守之門戶。為德國人完全開放。庶吾人今日之勞瘁。得使中國人生感激崇拜之念。而收其利益也。

三二文明之源 觀上述理由。是應以租借地為擴張文明之中心點。以為文明之發源。而青島之德華大學。適應時創立。是真正文明之中心點。乃確立於斯矣。僑居租地之歐人。盡為德人。將來當更加多。故此地之經營。常推為德人之功績。故灌輸文明事業。不憚賴官廳之力。即私人亦盡力為之。例如德職工之教育。華人勞務者以種種智識。俾為東亞良工。又如青島造船所之招募徒弟。實習各種技術。又如德裁判官之提倡。不為法律上賄賂及誘惑所動之思想。諸如此類。不勝枚舉。其中尤以傳教師舍身利人為教育及景仰上之中心。上述種種事業。俱各執誠和衷共濟。以謀擴張德國文明焉。

三三租借地之將來 方今隣地各省。中國富商。源源而來。或購買土地。或建造房屋。或興築極大俱樂部。而中國大員。亦多率其子弟來青就學。又有中國財產家來青購買地皮。以傳留後嗣。為子孫萬世之計。誠無勝於此。依此形勢觀之。將來青島之發展。及德國文明之活動。必大可期待。夫租借地今日之繁盛。謂非德意志文明所賜得耶。將來殖民

地大放光明。願居住於此地之德國人。以青島為第二故鄉。希望德國一致奮勉努力。發展此租借地。實不勝翹盼焉。

觀埃諾于西氏之演說。則德人對於青島不惜投巨額資金。苦力經營。可以概見。故自光緒二十四年至光緒三十年間。荒涼寂寞之漁村。竟能一變而為舉世矚目之都市。非復昔日之長眠狀態矣。德人在青建築之市街。以大鮑島一帶為最早。由大鮑島至南海岸。房屋櫛比。街道清潔。且有極大海水浴場。而跑馬廳。公園。花園。均在其東面。實為夏令避暑之勝地。自光緒二十八年。起。中外人士。已多赴該處消夏。及光緒三十年。海岸旅館開幕。膠濟全路通車。行旅便捷。是以游人日衆。商業發達。資本家亦漸漸明瞭青島在商業上價值。爭投巨資。組織大規模企業。其每年貿易總額。在租借之初。僅三百四十餘萬兩。至一千九百〇五年。已達二千二百二十五萬一千餘兩。至一千九百十年。遂增至六千餘萬兩。於此可見商業猛晉之一斑。金融機關之最初開設者。為德華銀行。其後因商業發達。大清銀行。匯豐銀行。亦設立分行。至大戰之前。則道勝。匯豐。正金等行均已陸續在青開設分行矣。

德人建築青島市區時。對於街道。極為注意。故較上海香港。均覺寬展。普通道路之寬度。約在九丈內外。幹路則在十二丈以上。更區別行人便道。及車馬道。便道用洋灰築成。車馬道則于馬路之表面上。塗以極厚之黑油。成甚平坦。馬路之兩旁。復敷以石道。專為重載大車而設。緣青島為水陸交通之巨埠。轉運貨物。全用大車。故特另設石道。以免重載貨車。傷毀馬路路面。市內房屋。純係西式。就中工程最大設備最完美者。為提督樓及石頭樓兩所。提督樓為德國海軍提督衙門。石頭樓為德國青島總督衙門。該樓全用石製。故俗呼石頭樓。市內河流缺少。淡水頗不易取得。故

自來水之設備。與他埠亦不相同。乃由地下井汲取地層之水。導之于山。分流各處。所謂河源地者。除雨季外。純為乾河。且無淨水。濾水器等設備。不過有六寸之銅管。通于地下。約深十三米達。由無數小管。集合于一大管。利用唧筒原理。以水龍將水。送于高六十八米達之若鶴山上貯水池中。供給全市之用。水源地最初在海泊河。嗣又擴充至李村河。共掘井十四個。一日供給之水量。自一千八百立方米達至三千米達。其下水道之設備。則尤為完備。水管有分離式與混合式之兩種。分離式者。穢水管及雨水管分別為二。穢水均集中于市內規定之地點。以電氣唧筒之壓力。遠流於團島角海中。雨水則流入附近海內。市之南部各建築。多用此種下水道。混合式者。則無論穢水雨水。均由一管導入遠海內。大鮑島一帶之下水管。則採用此式。下水管共長三十基羅米達。故市內糞便穢水。均得由地下送出。全市清潔。于衛生上頗多裨益也。工場之設在市內者甚少。大部皆在四方滄口及台東台西兩鎮。膠濟路機場。設在四方。規模極大。凡該路所用車輛。均係該場製造。又滄口有該路鐵工場一所。專製鐵軌及鐵枕木。供給全路應用。緣膠濟路當建築之初。以缺乏木料。由內地運輸。又不方便。故所有枕木。均用鐵造。堅固耐久。較木質更適用也。德人在山東首先開掘之礦山。為博山煤礦。其後坊子淄川。亦相繼開採。自此三礦開成後。而膠濟路所用煤炭。暨進出口輪船用煤。以及市內外住戶工場等用煤。皆得源源供給。無須仰給於外省煤礦之接濟矣。青島租借地內。雖山陵起伏。然可耕之地甚多。惟昔人不知改良。以致荒蕪。德人時代。曾有農事試驗場之設置。頗能提倡農業。然經營數載。殊鮮成績。惟林業發達。有足稱者。德人在青島植林事業。共投資二百三十萬馬克。所有山嶺。均植樹株。無分寸之荒地。分為山岳林。平地林。濕地林。三

種。法令森嚴。保護周至。故無敢濫伐竊盜者。加以逐年整理。林木遂日臻盛茂。森林之尤為特色者。為附屬之植物園。園在市之東南。有苗圃。果園。花園。溫室等。蒐羅東西各國異種。凡一百三十餘種。聚於一園。備遊人之觀覽。供學者之研究。其中蘋果一項。計分十六種之多。梨樹則有十九種。而尤以櫻花樹為最多。每至春令。游園士女如雲。至今猶稱為盛會云。

(未完)

五十成功要素

吾人無不希望為世間之成功者。前多信所以能鑒成功之域。無非係由幸運機會或艱苦力作而得。但今有人發現謂「成功」乃一種科學。與衛生學。天文學等無異。並可以之製成公律五十條。若能依此而行。將來必能成一次功者。此如講求衛生。必能使身體康健無異。所謂五十公律。茲權舉如次。是不啻涉世之金針。成功之要素也。

一自治二自知之明三道德四康健五毅力六慈善心七知人之明八忍耐性九進取心十自樂方法十一明察十二合作十三樂觀十四自信心十五急進之態度十六常識十七誠實十八忠直十九可靠二十篤實二十一愛美性二十二天真二十三堅忍二十四對於生活及工作之正確態度二十五利他性二十六勤勞二十七對上帝之尊長之敬佈心二十八遠大之眼光二十九知足三十節儉三十一有清晰之頭腦三十二有辯才三十三聰慧三十四實施計畫之能力三十五公正三十六寬和三十七勇敢三十八想像力三十九處事有秩序四十有創造能力四十一世情練達四十二有禮貌四十三人格四十四自愛四十五準確之記憶力四十六不自欺四十七歡和四十八多情四十九淹博五十果決



關稅特別會議實錄(五)

心冷

關稅會議自十一月廿三日開稅率分委員會以後。頗現暫時停頓之象。緣各國代表來華與會之時。初未料及對於中國關稅自主。將有具體的承認。有如前次委員會所通過之方式。故其當日所受政府之訓條。已不式合于目前新生之情勢。多有紛紛電陳本國請示詳細訓條者。在各國訓條未曾頒到以前。對於增加附稅等問題。自難為確切之表示。而我國代表。亦甯願俟各國代表得有具體訓條之後。再行開議。故各種分委員會。均未有具體的討論。至三十日開第二股分委員會。專議加稅。各國專門委員均列席。由蔡廷幹主席。王正廷顏惠慶亦到。蔡將中國代表團所擬增加稅率計畫書分送各國委員。大致普通品第一次加至七五。第二加至一二。五。第三加至二十。奢侈品加至三十。各國委員聲明此案關係重大。須携回研究。惟在此期中。時局驟變。關稅會議自亦感受影響。但三十日政府通電駐英美義法比日等使。關稅會議。仍繼續進行。並不因政局關係停止開會。望各宣布。免誤會。二日政府復派龔心湛為關稅特別委員會委員。但日來因討論事件。未得端倪。故亦無活動之象。北京各團體十餘人。則曾于二十二日舉行示威。結果致演流血慘劇。亦關會消息之足記者也。

稅率委員
會開會之
紀載

二十三日上午十時。稅率分委員會在居仁堂開會。蔡廷幹主席。首由中國提出臨時附加稅率案。(一)普通品。(加值百抽五)每年約增三千萬元。(二)甲種奢侈品。

國聞週報 關稅特別會議實錄

值百抽三十)即酒稅烟草稅每年約增三千二百萬元。(三)乙種奢侈品(值百抽二十)每年約增五千萬元。至乙種奢侈品種類。聞二十三日提案。共列一百五十二種物品。較當初列舉者已減少。蔡說明內容後。對於普通品稅率一層。日英代表主張照華會條約。中國只能徵二。五。中國代表未加駁斥。僅答稱二。五附加稅年不過二千八百餘萬元。與中國需用數額。相差過鉅。決不敷用。對於奢侈品附加稅問題。列國反對亦頗力。最後各代表謂上星期六用途分委員會中國代表雖曾將用途具體的提出。惟僅報告一過而止。事實上果否需要此數。殊有研究之餘地。衆意擬要求中國代表所提具之用途。有一審查之機會。俾確知其敷否分配。再定辦法。並將我國所提乙種奢侈品細表交專門委員會審查。

關稅基金
委員會之
組織

政府決定設一臨時關稅附加稅基金委員會。其組織內容大要如下。(一)委員會之組織。擬定大綱二十三條。以特派四人。組織委員會。正副委員長各一人。由政府於委員中特任之。另設會計師二人。秘書長一人。秘書四人。事務員八人。專門顧問十人。顧問係由委員長聘請中外財政銀行實業家充之。(二)基金種類。分爲(一)裁厘。(二)整理債務。(三)建設事業。(四)中央政府補助費四種。(三)分委員會。前項基金。只中央政費一項。由財政部管理。其餘另組三個分委員會。分別辦理。分委員會組織。除中央關係機關各派一員外。各省區財

政廳亦各派一員。全國商聯會派代表五人或三人。全國銀行公會派代表五人。如省區有關係於建設事業者。亦得派一人列席為委員。各設委員長一人。由總委員會委員兼任。(四)基金之保管分配。由稅務處交委員會保管。再由委員會存儲於國庫。或代理國庫。或其指定之銀行。每月二十日報告財政部一次。凡收支審核一切權能。均由委員會行之。撥付基金時。即由委員長及分委員長簽字。如有疑義及不實之處。亦得咨請稅務處及財政部調查說明或修正。

以上為基金委員會組織之大要。政府用意。係使關係各國信用我國。對於附加稅收。不致流用於四項用途以外。而起不日即當正式組織云。

關稅增收與鐵路建設之計畫

交通部擬以關稅增收款項建設鐵路。其建設之內容。據交通部發表如下。就歷來籌畫。其關係最急切之鐵路工程。總計需款當在十萬萬元以上。同時並舉。固無此能力。

顧此失彼。復未免輕重不勻。茲經按諸全國鐵路交通情況通盤籌劃。擬就六項鐵路建築工程。估計約共需款六萬三千萬元。應在關稅增收項下逐年指撥六千三百萬元。作為募債與辦工程之基金。如確能照數籌撥。則實行募債築路。全部計畫不難成功。蓋就各路本身言。資本既有着落。則從前所有借款築路而即以該路作抵之辦法。便可避免不用該路之經濟自由。即可保全。一面遂能用其餘力。以進謀發展而完成全國之交通事業。惟將來關稅增加而後。專待指撥之急切用途正多。規定之全數基金。恐未易完全籌措。故復擬請交關會核定。此項逐年指撥之鐵路交通建設補助基金。總應達到全數十成之三四。庶可按照分配于各項工程之下。變通騰挪。按所定程序而分別進行。或即由關會裁決。於計畫所列各項工程之內。指定最急應辦者若干項。即便按照指撥基金。籌款

興辦。聞上述計畫。業由交部繕具說帖。於十七日國務會議席間提出討論。當經議決。即交關稅特別會議核辦。至交部所擬之鐵路交通建設計畫大綱。據調查所得。大概計有甲乙丙丁戊己六項鐵路工程。約共長五千五百餘公里。並有港埠工程三號。橋梁及輪渡設備三處。連同已成各路最急切之改良工程。共需建築資本六萬三千萬元。茲分舉如左。

(甲)完成並改良南北第一幹路。內分(一)完成粵漢路。自株州起。接通廣東之路。計六千五百萬元。(二)改良粵漢已成路。(係指最急切之軌道等改良而言。計五百萬元。(三)修築武漢橋。計一千三百萬元。(四)修築漢口江埠。計二百萬元。(五)改良京漢路設備。(係指最急切之橋梁加固而言。黃河橋工尚須籌措之五百萬元併計在內。)計一千五百萬元。以上共需款一萬萬元。應逐年指撥一千萬元為基金。

(乙)完成南北第二幹線。內分(一)朝陽至赤峯。二百三十公里路。計二千五百萬元。(二)赤峯至林西。二百四十公里路。計二千五百萬元。(三)葫蘆島海港工程。計二千五百萬元。(四)甯浦間聯絡設備。(照津浦輪渡估計。用渡輪二艘。)計八百萬元。(五)滬杭甬錢塘江至曹娥江。東七十公里路。計七百萬元。以上共需款九千萬元。應逐年指撥九百萬元作基金。

(丙)展長南北第一幹路。及完成東西第一幹路。內分(一)包頭至甯夏。五百四十公里路。計三千萬元。(二)平地泉至滂江。二百四十二公里路。計一千一百萬元。(三)京綏本路改良關溝一段路線及全路設備工程。計一千九百萬元。以上共需款六千萬元。應逐年指撥六百萬元作基金。

(丁)完成東西第二幹路。查隴秦豫海路線。現已東通至海。西達陝州。除

仍應繼續向西修築外。其海州海港。應速興築。此項海州築港工程費用。計須款二千萬元。應逐年指撥二百萬元作基金。

(戊)修築東西第三幹路。內分(一)漢口經楊家澤至宜昌三百三十餘公里路。計二千七百萬元。(二)宜昌至夔州二百十公里路。計五千六百萬元。(三)夔州至小江九十公里路。計一千九百萬元。(四)自小江經綏定渠縣順慶以至成都。五百九十公里路。計三千七百萬元。(五)渠縣至重慶支路。二百十公里路。計二千萬元。(六)楊家澤至老河口支路。二百三十公里路。計二千一百萬元。以上共須款一萬八千萬元。應逐年指撥一千八百萬元作基金。

(己)修築東西第四幹路。內分(一)寧湘線。一千公里路。計八千四百萬元。(二)株欽線。一千一百公里路。計九千六百萬元。以上共需款一萬八千萬元。應逐年指撥一千八百萬元作基金。

中國之意見

美國 美政府要人研究中國新稅率之效果。謂於英日紡織業為致命之打擊。於美國烟草製造業亦有不良影響。其他貨物恐不致大受影響。華盛頓方面逆料新稅率將使中國大舉而從速開發實業。因此需要紡織機器必盛。據言美國製造家希望中國關稅自主之後。將大購機器鋼鐵物件及摩托物料云。又美政府對中國將紙烟列入奢侈品徵稅。可表贊同。惟裁釐之時。須將捲烟時稅及吸戶捐等一併裁撤。又美太陽報評論。日本對中國關稅。非裁釐後不得超過二五。此種主張。不明中國財政現象。應加糾正。因中政府實無能力足以應付日本。故美代表應有諒解。貫徹主張。勿因他國意見不一。遂放棄素來之對華政策。自力特飛城公報社論。北京關會通過關稅自主。足變更遠東政治及商業狀況。各國承認關稅自主。並不附帶裁

厘條件。由美國疏通所致。又中國欲提出治外法權。可望者同樣合之結果。中國素與美國為良友。將來中國商務日漸發達。美國必首受其惠。華盛頓郵報社論。謂列強初以裁厘為自主條件。後因中國輿論反對。及美政府引導。各國均承認中國關稅自主。並同時裁厘。此案通過。可為中美兩國勝利。但屆時能否裁厘。尚屬疑義云云。

英國 使團消息。英政府對關稅附加稅。仍未變更態度。以為中國所提過渡辦法。即各國亦不贊成。日代表提出厘金未裁前照華會條約加稅二五。理由甚當。現關會雖通過自主案。但英日對華有密切關係。必須互相提攜。又據倫敦電。朱兆莘以英報對中國關稅。都主依照華會條約。先加二五及奢侈品稅。朱因發表宣言。陳述中國財政狀況。此次加稅。應不受華會條約之限制。一面通知英政府。在加稅過渡時。中國全特增收稅率。俾整理內外債及抵補裁厘。故華會協約。中政府及人民均難滿意。必須超出範圍。

法國 法國對關稅意見。主張以美日兩國提案。取一折衷辦法。至甲乙兩項奢侈品稅。與法商大有影響。希望雲南越南間進出口稅實行減收。俾有取償。又法外部對關會英國提案。須先慎重考慮。再發表主張。在京各國代表。雖通過自主。但仍均遵守華會條約為加稅範圍云。





國內外一週間大事紀

(自十一月廿六日至十二月二日)

公展

(一) 國外之部

▲法國政潮。法國內閣。因杜美不贊成社會黨徵收資本稅與國債稅提議。謝絕組閣。赫里歐雖允出肩此任。亦以社會黨態度仍未少變。知難而退。故終局則組閣之任仍歸於白里安。二十六日。白里安與各方面討論終日。後實際上新內閣已組織。白里安總理將兼長外交。以洛歇爾長財政。班樂衛長陸軍。萊巨斯長海軍。裴里爾長殖民部。此為左翼與中央之混合內閣。而社會黨不與焉。急進黨得內閣位置頗多。財政內務司法皆入其彀中。洛歇爾獨長財政。長內務者為邵丹氏。就選舉而言。極關重要。司法部長為任諾特氏。兼任行政會副會長。亦頗緊要。隸中央黨者為海軍部長萊巨斯。恩俸部長郁爾丹。至於商部殖民部公共工程部三總長仍為前內閣舊人。新內閣解決法國財政之策。在羅致著名財政家。實業家。銀行家。合組顧問委員會。法國一般輿論對於白理安組閣。表示期待。惟右翼與中央諸黨以為新內閣過偏於左翼。社會黨因未得閣席大為不滿。而得多數閣席之急進黨。則又願以赫里歐為總理。組織財政部顧問委員會之決議。頗為人所贊同。惟在政府財政計畫未公布以前。各黨人皆不願有何評論。蓋新內閣之存亡。亦如舊內閣。仍惟財政計畫是視也。

法新內閣總理白利安



▲保安公約。德國國會二十七日以二九一票對一七四票三讀通過洛迦諾條約。包括保安公約。公斷條約。及德國加入國際聯盟會三種。二十八日。德總統興登堡。總理路德。外長史特萊斯曼。簽定洛迦諾條約。總統興登堡並囑路德組織新內閣。史特萊斯曼將仍長外交。德代表路德

外部招待室。簽定洛迦諾保安公約。午前唐林街中觀者如堵。衆對德國代表。有脫帽歡迎者。但無他種表示。簽約禮節午前十一時二十五分開。始至十一時三十八分完結。各代表照法文字母次序簽字。故首先簽約

史特萊斯曼等十六人三十日抵倫敦。其餘各國代表團。是夜陸續抵英。十二月一日各國代表齊集

者爲德國。會場演說詞全用法文。除保安公約外。洛迦諾所議定之公斷條約及合同亦皆簽字。台上坐新聞記者蒞觀者二百人。招待室中央置一案。設代表座三十二。英外相張伯倫坐首席。包爾溫坐其右。四周爲各國秘書席。鐘鳴十一下時。張伯倫操法語讀英皇開會詞。略謂本擬躬與盛會。因值母喪。未能蒞會。惟望此次輯和大事業。可爲吾人數國間誠摯友誼之基礎云。張伯倫宣讀英皇詞後。對衆演說。仍用法語。德總理路德操德語繼起致詞。此後法意比捷克等代表相繼發言。演說後。各代表依次簽約既畢。張伯倫起稱。渠信此約乃和解大事業之起點。而各方面對於將來尙準備作更大之努力。白里安稱。在渠多年政治生涯中。此次最可引以爲榮。渠信此會爲和平新紀元之開幕。路德稱。此日可爲歐洲與世界歷史中之紀念日。白里安復向路德致詞。有余爲良好法人。猶路德博士之爲良好德人。但吾二人俱歐人也等語。史特萊斯曼稱。在此時日最有益於事者。無過於洛迦諾條約所引起之好意精神。最後包爾溫以英語發言。謂渠信與會各國與英政府同具決心。必忠實履行其所担任之義務云。

▲日本勞動黨。日本勞動黨業已組成。但內部已有分裂。其故乃由勞工聯合會堅主當以改善勞工狀況爲唯一目的。關東勞工會則主張共產政策。而視勞工利益爲細事。該黨後排除極端黨員。並刪去黨綱中極端之原則。故一日午後得在神田青年會館於當局者嚴重監視之下舉行結黨式。參加者勞動團體三十五個。十四萬五千人。黨名爲農民勞動黨。推舉執行委員十八名。該黨首領早稻田大學教授安部磯雄氏呼聲最高。日本政府已開緊急會議。商議取締之策。是晚京都警署奉令禁止該黨成立。京都府特別高等課。一日晨搜查京都帝國大學社會科學生

四十餘名之家宅。傳說因秘密結社曝露之故。大學方面已向當局抗議矣。

▲英德商約問題。英德代表關於因英德商約而起各問題之談判。現暫中止。因雙方對於關稅之實施已有協定。而對於約文之解釋各有意見也。聞商約所載英政府担任不徵收與德國特殊有害之稅一條。卽爲解釋各異之點。德代表稱英國所徵德國出口貨之稅。如樂器鋼琴等類。應援照上述條文。卽予駐銷或大爲裁減云。

▲愛爾蘭邊界。英相包爾溫與北愛首相克萊格及南愛代表三人。星期杪討論愛爾蘭邊界問題。內容如何。現守秘密。三方皆承認邊界委員會之報告一經發表。卽生法律效力。故委員會暫不發表此文。以待南北和平協定界線。北愛初不願指派勘界代表。含有願保全現狀之意。今南愛似亦可依此辦理也。

▲國際聯盟與蘇俄。二十三日。蘇俄外交副委員長李德維諾夫招待新聞記者。聲明蘇俄並無放棄從來對國際聯盟及洛迦諾條約所持態度之事。各國報紙宣傳俄國變更態度云云。純屬與國際聯盟及洛迦諾條約有關係者所造。藉以鎮壓人心之謠言。蘇俄政府對國際聯盟。始終視爲採取定奪弱國命運權之列強所組成之虛僞結合。德國參加聯盟。並未改變聯盟之性質。列強之欲德加入。擬實現其對俄陰謀。蘇俄存心避免擾亂蘇聯及世界和平之一切糾紛。決無意加入彼公然敵視俄國者所組織之國際聯盟云云。觀此。蘇俄對國際聯盟之態度可知矣。

(二) 國內之部

▲奉軍內訌。郭松齡倒戈反奉。請張作霖下野。現與張學良所率之奉軍相持於綏中連山之間。郭氏長驅入藩之願。似未易償。推郭之所以出

此則以郭爲奉軍中之主和派。與李景林同屬大學系。頗有聯絡。對楊宇霆姜登選等士官派。茲不憚。且去歲榆關戰役。郭頗有功。而事後論功行賞。李景林張宗昌閻朝璽楊宇霆姜登選輩。均開府兼圻。而郭獨不及。中懷怨憤。可想而知。適東南事起。楊姜不戰而走。郭遂以爲時機已至。力主東南事。應由楊姜負責。反對北方對馮作戰。前此張學良奉命入關。本擬有總攻擊令者。以郭與李景林反對。乃變計撤兵。迨保大豫軍接防。奉張又欲進兵。以示不願再讓。並於二十三日夜召郭回奉。而變遂作。奉方得訊。謠言繁興。人心動搖。張作霖即派兵監視郭李私宅。而韓麟春丁超則

吉甯張作相



亦勸奉張下野。顧全大局。張須張學良接收東三省軍政權。郭軍仍退至榆關以內。然後可以從長計議。故張作霖仍在奉。電調各方援兵返省。擬布三道防線。阻郭軍前進。二十六日。奉天已發布戒嚴令。憲兵司令陳興亞被任命爲戒嚴司令。全省警務處長陳輔陞被任命爲副司令。一方令張作相統兵往榆關綏中間抵禦郭軍。一方派張學良向郭先行疏解宣慰。二十五日。郭部與守榆關之張作相汲金純兩部接戰頗烈。張學良部衛隊旅及第二十七師一旅。湯玉麟之第十師。在綏中拒絕郭部東進。橫斷鐵道。二十五日夜。分兩路對郭軍攻擊。汲部破郭軍先鋒三團。擄某旅

長。但津訊謂郭軍因汲部第九師響應。已佔領秦皇島。二十七日。更占榆關。廿八日佔綏中。以與張學良部奉軍相持。張學良二十六日抵秦皇島。遣飛機數架。在關內外散傳單。罵郭忘恩負義。激衆軍討叛。郭軍散去降奉者約有三旅。二十七日張學良派日顧問宇田。郭松齡派日顧問儀我。在灤州會談。張請郭先停戰。再商善後。郭提出要求條件。(一)魯歸岳。(二)直歸馮。(三)熱歸李。(四)郭本人回奉統轄東三省。否則不允停戰。談判不洽。二十七夜。張離秦皇島。八日下午四時乘艦抵旅順。廿九晨。張學良偕楊宇霆由大連同回奉天。奉方至此。蓋已決與郭軍一戰矣。

郭松齡倒張。其所藉口者則爲楊宇霆姜登選。楊於事變初起。辭職走大連。現又被奉張召回。至於姜登選。則初即被郭拘留。聞因不願爲郭顧問。且罵郭不應叛張。故在灤州已被槍決。而趙恩臻。高維嶽。齊恩銘。裴春生等師旅團長。亦於二十六日夜由灤州解津。然俱被李景林釋放。已於一日抵奉。郭則將鎮威軍第四師張學良部。第五師趙恩臻部。第六師郭部。第七師高維嶽部。第十師齊恩銘部。十二師裴春生部。一律改編爲東北國民第四軍。改派軍長。自稱總司令。儼然以未來之關外主宰者自居。然李景林對奉尙有聯絡。後路可危。而前線則張學良部尙在佈防抗阻。郭乃調回秦皇島一師防李景林。派三師出九門口石門寨。兩師守榆關萬家屯。其前鋒則過綏中。備在連山與張軍激戰。同時則向馮軍乞援。並要求段下令免張作霖職。而奉方消息。則謂郭部軍心渙散。餉彈缺乏。郭乃託某日醫生携書向張學良乞和。確否尙待證實。奉方則張學良決定戰略。在連山灣布防。進攻郭軍。郭部降奉之三旅。經張改編。配置前線。張作霖更發表討郭宣言。吳俊陞三十日晚由奉回黑龍江。決調步兵兩旅。騎兵四團。砲兵一團援奉。以中東路當局拒絕運軍。吳決由洮齊鐵路出四

平街開赴戰線。閻朝璽奉張作霖令。帶兵退錦州。參加攻郭。姜登選部戰陳兩旅。退回奉天。亦誓攻郭。奉張更令張宗昌棄魯。由海道退奉。助攻郭松齡軍。其邢士廉部二萬人已於三十日晨抵營口。將由海道赴連山灣。攻擊郭軍側背。一部則就守備奉天之任。故張郭兩軍沿奉榆路線之戰事。勝負正未可知也。

郭氏反戈。李景林以地位關係。被郭挾持。郭與國民軍約。如李攻郭。則由馮負責制阻。如李中立。須讓出直隸與國民軍。故李雖未署名於驅張宣言。而二十五日晚。李已宣布保境安民。擁護中央。與奉脫離關係。並電張作霖勸其下野。又告國民軍要人。此次事變。在打倒包圍張作霖鼓動作戰之新進派。並宣布主戰者罪狀。請豫軍停進。攜手合作。二十六日。李又

被郭松齡之決姜登選



派李鳳樓入京。說明與郭一致。願與國民軍合作。並扣留德州兵工廠機器。通緝楊宇霆系重要官吏。改

東北軍為直隸軍。派韓玉宸赴張家口。與馮修好。其趁風轉帆。無非為保全位置之計。然李景林一方因許蘭洲到津。勸李不應助郭倒張。李母亦自奉函李。囑勿助郭。一方又因向馮玉祥提出(一)維持直省地盤。兼轄熱河及魯境。黃河以北等條件。未能為馮容納。馮令國民軍赴津相機進行。故李準備下野。以李爽愷代督。郝鵬護理省長。外傳李已出走。一說被

回奉應援之閻朝璽



郭派兵監視。尚未證實。而另一方面消息。則鄧寶珊部已抵廊坊。李慎豫軍進逼。將變態備戰。現與張宗昌接洽。組直魯聯軍。李部三師四混成旅。駐守天津。楊村。楊柳青。馬廠。軍糧城一帶。並擬將第一。第二。第十九三師及第一二三四混成旅。改編新直軍四軍。以李爽愷為總指揮。馬瑞雲第一軍長。胡毓坤第二軍長。張憲第三軍長。王不煥第四軍長。預備與侵入防地者決戰。此又奉軍內訌中

消息之變幻不定者也。

郭松齡之反戈。與國民軍事前早有接洽。聞曾訂密約五條。(一)倒張作霖。(二)擁張學良為總司令。以郭松齡為副司令。(三)李景林位置不動。兼領熱河都統。魯省歸國民第二軍。(四)宣告楊宇霆王永江死刑。(五)改良生計組織。發難以後。郭二十五日電馮。述班師宗旨。請電張作霖。共促下野。國民軍要人初雖聲明奉軍內變。係李郭迎合民意。澄清僉壬。整頓內部。與國民軍無關。決不乘機攻奉。然證之事實。此種聲明純屬欺人。馮玉祥二十六日由包頭啓程。二十七日已回張家口。而二十五日已由包頭電張作霖。促其下野。還政權於國民。馮之真態。於此大見。近月來與奉張虛與委蛇之假面具。蓋已揭破無遺。南苑馮軍一師一旅。二十七日入京。馮軍又分五路出喜峯口。向熱河進發。由綏包開至察東者已有四

萬餘。馮侯開拔完竣。再由張坐汽車至多倫。馮且電段。謂將赴前線視察。告誡其乘機攻熱之心。實已無可諱飾。而一日京訊。則謂閣部調奉赴援。閣已委張鵬飛代理熱河都統。馮軍且定一日午刻入熱。則其因利乘便。唾手而得熱河。正與孫傳芳之唾手而得江南。同一幸運也。

▲附錄馮玉祥勸奉張下野電。萬急盛京張督辦鑒。概自江浙肇釁。禍及直魯。延逼京畿。風聲所至。民怨沸騰。閣下鑑於輿論之不容。故對外宣言。伴以退讓為詞。而暗中則節節進行。不遺餘力。重兵環境。迫我宣言。祥以關切之私。曾上寸箋。將閣下顛倒錯亂之設施。逐一披露。期望根本覺悟。藉以維持大局。不致糜爛。詎意告者諄諄。聽者藐藐。近復主持分途進兵。再圖機亂。長

被 捕 之 曾 毓 雋



本覺。悟藉以維持大局。不致糜爛。詎意告者諄諄。聽者藐藐。近復主持分途進兵。再圖機亂。長


江閣下何不思之甚。忍令生民塗炭。國本動搖。而不為國家人民一設想。耶。祥承閣下不棄。迭次欲與合作。用敢本君子愛人以德之意。凡人之所不敢言。不忍言者。為閣下一言之。作為最後之忠告。請即平心靜氣。一詳察之。語云。得人者昌。失人者亡。况共和國。家民為主體。不顧民生。焉能立國。乃自奉軍入關。四出騷擾。因所部有公取公用之實。致民間來要吃要穿之謠。試思軍興以來。閣下兵威所及之區。橫徵暴斂。到處皆是。苛捐勒

索。有家難歸。凡所收入。多歸中飽。軍食告竭。重累人民。民欲偕亡。豈能獨樂。誦讀古訓。良足箴規。為閣下計。全國民情。既已共棄。無民孰與為治。此理應及身引退者一也。此次滬案發生。全國人士奔走呼號。惟恐或後。蓋鑒於強隣之侵略無厭。吾民將無噍類。民之不存。國將奚託。閣下偏不注重民生。忍於為虎作倀。縱容軍隊。解散學生。殘害工人。此為顯違人道之事。在稍具常識者。決必不為。閣下乃甘違眾意。竟悍然為之。而不顧。就令犧牲國家。亦所不恤。是誠全國人士所為痛心疾首而一致聲討者。矧閣下不顧國家大計。輕舉妄動。愚蠢無知。每一念及。輒為痛惜。現在舉國救亡。矢集一身。自宜引咎自責。以謝國人。此理應及身引退者二也。至若民國成立。幾於無歲無戰。干戈不得倖免。癥結所在。可以一言而決曰。帝制軍與共和之思想衝突而已。閣下思想。始脫胎於張勳。繼效法於項城。對於效忠民國者。則視為仇讎。贊成帝制者。則引為同調。所謂復辟以來。諸戰役。無一非閣下之一誤再誤。暗中操縱。明為主持。所釀成。其思想之腐舊。揆之現代新潮流。實有背道而馳之勢。夫以德意志之強盛。威廉二世之英武。其勢力之雄厚。較之遼東三省。大小奚若。只以思想背乎新潮流。遂至一蹶而不振。閣下應知大勢所趨。誤入歧途。不自警覺。倘再事前驅禍。更難測於身於國。兩無裨益。此觀察世界潮流。理宜及身引退者三也。綜上三端。而覺閣下對於中華民國建國之根本。既多輕視。則國計民生。焉能得所裨益。但為閣下前途計。白山黑水。既係舊治之鄉。猛將犀渠。復多識時之士。倘能本平民政治之精神。毅然以三省政權。完全還之國民。則終老田園。晚景亦自足樂。較之徒爭意氣。違反民情。而競爭雄長於一時者。其得失奚啻天淵耶。祥為愛惜國家計。愛惜三省人民計。愛惜閣下及其左右英才計。謹貢片言。敬祈察之。馮玉祥有。

▲北京政局 奉變既作。二十六日晝夜。府開兩次特別會議。二十七日晨又開會議。段主通電下野。經各要人解釋。決暫緩。即電張家口。促馮來京。磋商政局。段意如馮忍令開會停頓。不力維持和平。決即下野。並于二十六日晚派黃郛赴張家口迎馮。二十八日國務會議仍開。梁鴻志辭職。准予給假一月。許世英繼任秘書長。未到任前。張伯英代。又葉恭綽鄭洪年辭職。照准。馮心湛兼署交長。陸夢熊繼任交次。准朱深辭職。以衛興武繼任警察總監。當即下令。曾毓雋二十六日被鹿鍾麟逮捕。姚震二十九日被李仲三拘捕。曲同豐辭航空督辦。馮玉祥部國民軍守各車站及東交民巷。阻止要人避匿。時局頓形嚴重。加以二十八二十九日。學生示威遊行。段更有不能安居之勢。然馮玉祥二十七日電府。擁護執政。始終不渝。張家口會議。亦決定暫維執政。惟對擁黎及即改委員制兩說。均加決否。馮不願來京派。黃郛為駐京代表。並電岳維峻孫岳既郭松齡。派代表共商時局。二十九日。陳錦濤到京謁段。述馮擁護誠意。至中央用人行政。應有一部改革。段即於同日派許世英賈德耀劉之龍赴張家口。與馮面商。並致親筆函。謂北京情形已不如昔。望速維持羣衆安甯秩序。否則通電下野。三十日。許世英賈德耀回京見段。謂馮仍擁護執政。望為大局計。暫行維持。馮電陳宦。亦述此旨。段一方於三十日晚再派黃郛徵馮意見。一方仍暫行維持。一日國務會議。賈德耀改署陸長。並下令。准農長莫德惠辭職。以陳宦繼任。未到任以前。以秦瑞玠代。沈瑞麟辭職。給假一月。李思浩辭職。照准。張訓欽代理部務。此外林建章章士釗均備辭職。楊庶堪因各國考查司法日期已近。甚焦灼。如無法進行。亦惟有辭職。以去。閣員既七零八落。其勢不得不改組。馮玉祥對段表示。如段願改設責任內閣。亦贊成總理人選。聽段主持。段乃囑許世英全權組織內閣。許已開始

延攬閣員。蓋段擬修改臨時政府制。設責任內閣。備攝政。段再下野。聞已備就通電。大意謂去歲出任執政。本屬臨時性質。望各省長官。速商組織政府。俾卸仔肩。遂我初服云云。可見段氏下野。已有決心。惟辭去以後。中央政府殊有問題。外交團對黃郛聲明。如中央政府採用委員制。即下旗回國。而擁黎之說。雖章太炎等鼓吹於南。饒漢祥等活動於北。然實力派既未必率爾贊成。黎亦未必甘為馮婦。再作傀儡。善後之計。正未易籌耳。

▲北京治安 奉軍內訌。國民軍聲勢大張。北京遂有越軌之舉。衆運動二十八日。學工各界在景山門開大會。鹿鍾麟派兵赴府守衛。是晚。學生至段邸。被衛隊婉勸退出。嗣打毀章士釗李思浩朱深劉伯昭宅及許世英汽車。尚有葉恭綽梁鴻志姚震曾毓雋各宅亦被略毀。損失無多。並縱火焚朱深宅。被消防隊救熄。顯有匪徒混跡。已令拿辦。擒八十八人候辦。各國務員紛紛向交民巷逃避。二十九日。各使館衛隊登牆。荷槍守衛。各入口張電網。禁止通行。學生於二十九日晨在北大



議決四項。(一)國賊財產充公。(二)打倒晨報。(三)打銷關稅會議。(四)在前門立碑。驅逐各國關會代表。午後二時起。游行示威。間有工人苦力參加。在天安門集合。高呼打銷關會。中途國民黨兩派互鬥。秩序紊亂。歸途焚燬晨報社屋三十餘間。編輯營業兩部全燬。事後鹿部捕得在場學

生楊蔚芳等數人。三十日送交法庭。鹿鍾麟語人羣運動須有範圍。迭次告示。現主動者已不能維持秩序。從即日起。決主嚴厲對付。馮玉祥亦電鹿。責成從嚴取締羣衆運動。段手諭鹿。會同衛與武。嚴禁開會滋擾。鹿示佈告。禁止國民大會。三十日晚。鹿並宴日人。聲明反對赤化。蓋所以避放縱學生之嫌也。

▲日本對華。奉軍內變之初。日政府恐戰事延及滿蒙。與日本有關。不能再取傍觀態度。陸軍當局派白川關東司令官急赴奉天。與張作霖協商。擬照去年奉直戰爭成例。滿鐵沿線及其他地點絕對不許作戰。目下日本在滿兵力共有八營。擬加派一團。警備長春以南。派驅逐艦「桐」號赴秦皇島。二十六日。命駐鐵嶺之旅團豫備開拔赴奉。一時滿洲增兵之說乃大張。然日本輿論頗謂此非必要。故陸軍省視現有一師及四隊爲已敷保護日僑生命財產。如有必要。再行增加。二十七日徐樹錚氏往訪


日本陸相宇垣



日本幣原外長。交換意見。並懇對於段執政爲特別之援助。幣原答云。爲增進中國民衆幸福起見。自不惜援。然干涉內政之態度。當絕對避免。翌日徐又訪加藤首相。所答大致相同。二十

八日。日本閣議。非至日僑生命財產有危險。決不增兵。十二月一日又開閣議。對於對付中國內亂政策。有所協議。以爲滿蒙日僑生命財產保護。現可由在滿警備軍一部分當之。無再由日本派兵之必要。其陸相宇垣

氏之談話。亦僅謂若張學良軍與郭軍衝突。而至於使日僑受損害。則萬不得已。不得不增派駐屯軍。至於北京方面採用委員制。宇垣認爲不能直目之爲赤化。此種行政現象。僅爲組織式上之變化。類乎日本之明治維新。日本殊無干涉之必要云云。然則外轉日本將助張攻馮。實空氣耳。



▲魯境戰訊。豫軍侵入魯境。迄未中止。靳雲鵬奉吳命爲山東討賊軍總司令。豫軍第三師田維勤。第四師陳文釗。第五師王爲蔚等。皆將受靳指揮。王陳田三師長。先後率部到徐。北上攻魯。而吳長植守曹州。降豫軍。引豫軍入濟寧。張培榮守兗州。通聯軍反戈。與褚玉璞旅激戰。二十日。聯軍豫軍前鋒到兗州。二十七日抵泰安。前鋒逼濟南。二十八日。又由泰安進逼。張宗昌親率部督戰。豫軍及吳長植部被擊退。戰事乃復展至泰安附近。

魯東方面。畢應澄二十八日派兵由青島抵烟台。繳張懷斌部械。廿九日晨有衝突。下午戰事停止。烟台已入畢部之手。聞張宗昌近擬竭力守濟。並派其長子赴漢謁吳。以爲報聘。表示願與聯軍合作。時局變幻。正未易測也。

▲東南大局。二十六日上午。段令免楊宇霆姜登選職。孫傳芳督蘇。鄧

如孫督皖。而盧八祥督魯之令。則中變未下。孫傳芳奉令後。並未就職。惟留寧有所計議。返杭之期。惟已不遠。江浙人士。擬請孫任五省總司令。或統制。削除各項軍職。畫定國防駐軍地點。裁汰軍隊。畫清省政權限。然皖軍內部。既因鄧任督辦問題。而有傾軋。蘇軍陳鄭白馬之間。亦未必能始終相安無事。五省統制之說。果能實現與否。正未可知。孫傳芳因大通方面。王普所部下皖軍與鄧部。將有衝突。乃布置助王攻鄧。已任陳調員為皖軍總司令。此即其先聲也。孫又因徐州以上軍事。豫軍担任攻魯。故令盧香亭担任自徐州以北至臨城之防務。陳儀謝鴻勳二軍担任徐州以南至蚌埠之防務。撤調第三五軍回甯。由周鳳岐担任浦口至蚌埠之防守事宜。至白馬殘部改編問題。暫時不提。而蘇長一席。則有孫自兼與委蘇人陳陶遺之兩說。蓋蘇紳在甯會議之結果也。

▲滬案交涉。滬案交涉。久已停頓。外部於十一月二十七日始送出滬案照會。分三項。(一)滬案歸英工部局負責。對於死傷及其他受損害者。相當賠償。(二)收回會審公廨。按照中國法庭組織。(三)工部局改組。根據洋涇浜章程第二十八條。為解決基礎。其辦法而下。(一)學生手無寸鐵。租界巡捕並無相當警告。開槍兩排。死傷多人。責無可避。宜撤換捕房總巡及工部局總書記。死者每人賠償二萬元。傷者每人賠償五千元。此外工部局應捐一百萬。為建設醫院之用。(二)收回會審公廨辦法九條。特設上海租界司法公署。編制組織。遵用中國法。附設特別法庭。受第一審。特別上訴庭。受第二審。(三)工部局董事會。華董應較洋董多一名。議事取決多數。使團方面。雖已接到滬案司法調查報告。但正在審慎考慮中。蓋三國委員調查報告。有互異處也。據外界消息。英日代表先期因受各該國政府訓示方針。故意見頗能一致。惟報告中重要數點。美國代表

頗持異議。外國對此頗難措置辦理。可能期間。當召集三國委員會。議定一有統系報告。然恐未易辦到。至於對於中國外部之照會。聞荷使表示有數項可以容納云。

▲廣東戰事。陳軍退閩後。蔣介石擬派兵窮追。張毅請蔣勿攻閩。允自逐陳炯明軍。並派許靜安到汕。訂閩粵聯防約。汪精衛又促蔣回省鎮戍。蔣乃允張暫緩入閩。決留何應欽周恩來守汕。陳濟棠程潛警備閩邊。自率第一師回省。制止右派活動。汕頭戰後。許崇智與張和余鷹揚兩部獲械甚多。蔣介石令回駐潮安揭陽。張余二十二日由大埔班師。蔣密令豫軍陳青雲防興甯。歐陽駒出樟林。蘇世安由永定回防梅縣。將張金兩部繳械。並扣留張余二人。指為前在淡水通敵有據。即夜專車解汕。南路方面。陳銘樞部二十日克高州。二十八日克雷州。黃志桓申保藩知鄧本殷無望。通電乞降。繳第二千餘備渡海攻瓊州。促艦隊掩護前進。鄧本殷勢力將從此消滅矣。

▲民黨內訌。國民黨左右兩派之積不相能。早無可飾。近以右派及比較的中派執行委員林森鄒魯等十三人。決二十三日在京開第四次中央執行委員會。而廣州方面。表示反對。力爭在粵開會。據民黨要人得京電謂。北京國民黨大會。業已閉會。議決(一)驅逐鮑羅庭。(二)取銷陳獨秀李大釗譚平山黨籍。(三)不准共產黨員在國民黨勢力範圍內主持教育行政。(四)不准共產黨員在國民黨勢力範圍內作官吏。(五)不准共產黨參加羣衆運動。如青年運動農工運動等。粵政府則下令免鄒魯廣大校長及其他兼職。並請蔣回省對付右派。廣大教職員鄧植儀等三十餘人。因革鄒魯校長及無費。二十九日提辭呈。而黨政府則擬查辦鄒派教授及學生以洩憤云。

▲粵港工潮。政治委員會函商會。解決工潮。工界舉三人。商界舉一人。為負責代表。在商會內聯議。願居調停。二十八日。汪精衛召工商會領袖蘇兆徵胡頌棠等。討論解決條件。外傳粵港雙方預商工潮條件。祇一條。尚未妥協云。



迫擊礮

迫擊礮爲最近軍隊中之新戰器。其能力遠勝于重礮。吾人雖聞其名。但不識其效用。茲得此篇。爲東南大學軍事學講師黎度所述關於迫擊礮之構造及形式效用。亟錄之以示讀者。亦足以增見聞也。


記者誌

迫擊礮之發明

歐洲戰後。各國陸軍因塹壕之內。安設重礮。勢所不能。且兩方戰線相距過近。卽有重礮而其威力只能及對方後陣。因本古希臘羅馬飛石礮車之原理。發明一種曲射戰壕礮。Ordnance mortar。取其易於拆卸搬運。又能射至八十餘之角度也。因此種礮。能射極近之距離。故日本及我國軍隊。稱之爲迫擊礮。其破壞能力等於重礮。惟援助步兵攻守作戰則遠勝重礮。蓋易於搬運。可與步兵共同行動也。

歐美各國之迫擊礮略談

各國之迫擊礮。雖其製法各有不同。形式亦因之而異。惟原理則一。如吾國學童用筆杆筒入水以放紙礮。又如古代軍隊之彎弓以放矢也。法國之小迫擊礮。皆藉火藥之漲力。以堆放礮彈。惟重大者則恐藥多力猛。炸裂礮身。故用氣



壓力施放。英人 Wilfred Stoks 所發明之一種。最獲各國軍事家之稱許。現已東漸來吾國矣。

迫擊礮及其礮彈之構造

迫擊礮之構造。單簡而易。既乏後膛及扳機。亦無引火孔。因此礮用於戰壕之內。不務遠射。只求極大角度之曲射。以轟擊迫近之敵陣。故礮身更短。且內無來復綫。總言之。其礮路直一鋼筒而已。惟筒之尾端。絕不透氣。內有鉄砧。因放礮之時。彈從礮口而入。礮彈尾之引火帽撞於鉄砧而發火。推進器內之藥。因引火帽之大而爆漲。遂使礮彈轟出也。製造迫擊礮之速度。較重礮快四十倍。其價格復較重礮低十五倍。無論礮身口徑如何重大。皆可拆卸以人力運用於戰場。惟耐久能力則遠不如重礮耳。子彈之構造尤爲容易。不過一鉄板鍛成之圓筒。內藏

炸藥碎鉄。上有炸引。下有推射器。內藏推射之藥。推射器內嵌以一引火帽而已。射程較遠之大炮彈。因炮身內不設來復線。恐射出時射程不確。故於彈尾安置薄鉄板所製之定風翼。以保持其準程。如弓矢之有羽毛。以保持其方向也。

迫擊炮之曲射線及施放時引火帽推進

器鉄砧之作用

迫擊炮之射程極短。利於近擊。而擊重炮所不能擊之短距離。故其炮口可提高至八十餘度角。而放射炮彈用最曲之彈道。轟擊對方最近之敵人。及破壞堅固之敵陣地。施放時將炮彈放入炮口。(放入時彈頭在上彈尾先入炮口)彈尾有推進器。內藏能發一千至一千五百倍漲力之推進藥。推進器嵌以一引火帽。內藏白藥。炮彈從炮口放入時。炮彈之引火帽即撞擊於炮筒尾端內之鉄砧。於是引火帽即發火。同時推進器內之推進藥。即因引火帽之火而發漲。炮彈遂藉其漲力而射出也。

迫擊炮之種類

各國所製之迫擊炮。日新月異。各有不同。約分為甲乙丙三種如左。

(甲)口徑三吋至四吋。彈重三十六磅至

十磅。彈藥約十磅。餘至二十餘磅。每小時可放三十發。射程約四百碼至一千五百碼。

(乙)口徑六吋。彈重一百磅至一百二十磅。彈藥四十餘磅至五十餘磅。每小時可放二十六至三十四發。射程約六百碼至二千碼。

(丙)口徑八吋至十一吋。彈重一百八十磅至二百二十磅。彈藥約八十磅至一百磅。每小時可放十四至十八發。射程約四百碼至二千餘碼。

射程之遠近。因炮之大小種別及長短而異。

迫擊炮之威力

甲種迫擊炮用以破壞敵人陣線之障礙物。同時與機關槍步槍共同動作。以極大三威力壓倒敵人。使我軍作衝鋒之準備。乙種及丙種迫擊炮。其破壞能力極大。歐戰時各國多用之。以攻破敵人堅固陣地。蓋其威力與攻城重炮無異也。

歐戰時迫擊炮所得之優點

(一)掃除敵人陣地之堅固防禦。及一切之障礙物。

(二)與敵戰壕內防守兵以極大之損失。

(三)六吋口徑至十一吋口徑炮彈。可擊破唐克炮車而阻其前進。

(四)迫攻要塞。

(五)小迫擊炮與衝鋒步兵共同行動。

(六)易於集中。以猛力炮火阻止敵兵集合前進。或斷其後方聯絡。

(七)破壞敵方之機關槍大炮陣地。

(八)與重炮共同射擊。互相為用。擊最近之距離。為重炮所不能擊之處。





中國影片新評

心冷

(卅八)女俠李飛飛 出品者天一影片公

司

天一影片公司之「女俠李飛飛」試映。邀予往觀。綜覽一過。對是劇未敢作阿諛之稱道。秉我所見。與嗜影諸君一討論之。

▲是劇情節。述洪誠甫。蘇城巨紳。性拘迂。一

子名玉麟。由宋玉珊陳叔安執柯聘同邑郭厚齋長女慧珠為媳。兒女婚姻。唯父母之命。媒妁之言。是從。固中國之舊禮教也。慧珠偕妹玲棣。就學隣塾。一日。有同學蔣叔英之兄益民。來塾探妹。乍睹慧珠。遽生豔羨。適玲棣摘花贈珠。珠挾就師前問學。經益民側。偶墜地。益民疑珠有意。遽拾而懷之。及歸途詢妹。始知珠已受聘。行且出閣矣。頓失所望。唯喃喃默誦。恨不相逢未嫁時而已。益民自見慧珠。寤寐思之。如醉如癡。百無聊賴。適其友李俊卿錢敏甫來訪。偕之出游。至一曠場。見有

女郎賣藝。因矚足觀焉。玉麟在宿舍溫課。同舍劉筠生。是日密約所愛。會于公園。致贈金環。因時迫。匆促中誤衣麟之外衣而去。俄而麟亦擬外出。覓己衣不獲。知為筠所誤衣。乃亦勉衣筠衣以行。筠生既至園。晤女友。遍索衣袋。不得環。方知誤衣麟衣。與女友不歡而別。玉麟在途。目被塵迷。出巾拭之。環落地面。不自覺。適慧珠與妹自塾歸。見而拾之。為警察瞥見。上前盤詰。迫令赴署。正爭執間。麟返身覓環。慧珠即持以歸麟。正授受時。益民及友尾賣藝女郎後。行經是處。心異之。遽出攝影機潛攝一影去。蓋益民固不識麟為何許人。即慧珠亦不知麟為其未婚夫。而麟亦不知歸環者為其聘妻也。益民自攝影後。欲以計取。又懼破人婚姻。有虧利德。思潮起落。良心與慾念交戰不已。最後良心為慾念征服。于是慧珠與玉麟之婚事乃起波瀾。一日洪

誠甫忽接匿名函。述慧珠醜行。並附照片作證。誠甫親照憤甚。因玉麟衣筠生衣。且係背影。不識為己子。而疑珠有外遇。立召媒妁至。囑持函片質厚齋。齋觀片。愧甚。不加深察。遽以為真。痛責慧珠。珠羞憤交并。萬喙莫辯。齋竟允離異。索回庚帖。迫玉麟歸。聞而駭詫。遂赴岳家。索閱照片。俾釋疑團。益民友李俊卿與郭氏有舊。聞洪郭毀婚事。走告益民。益民知計已售。大悅。即央李赴郭宅。乘機謀女。益民隨俊卿至郭宅。踴躍門外。佇待佳音。倏見慧珠自側門出。踽踽獨行。似有重憂。益民潛蹤之。至中途遮道相迫。適玉麟奔至。見而干涉。益民設詞遣之。麟去遠。復追珠。則珠已投河。乃一躍入水。拯之起。舟載返別墅。方幸珠人掌中。夙願可償。殊不知踴躍其後者。尚有人在也。玉麟至郭宅。睹片始悉係當日歸環事。知為奸人所賣。因詳告厚齋。齋恍然悟。急

喚女已失所在。麟陡憶途中所遇。知有異。亟偕厚齋出覓之。至河畔。見珠遺帕有疑已投水死。祇得同聲一慟。慧珠被囚後。益民屢脅之。不爲屈。是夕珠乘隙圖自盡。忽賣藝女郎越牆入救之。復作警告書。以箭射致益民。民閱書。心膽俱裂。惡念頓消。蓋彼賣藝女郎者。卽女俠李飛飛之游戲三昧也。厚齋憫女慘亡。爲設奠。家人環集痛哭。忽慧珠自外入。厚齋駭以爲夢。女因詳述顛末。舉家驚喜。破涕爲笑。咸感李飛飛之德不置。

以劇名言。則女俠李飛飛當爲是劇重要人物。乃片中對李飛飛分量之支配。似嫌過輕。且表現「俠」字。亦僅有救女後之壁間飛刀之一幕。在事前則僅作賣解之藝。無絲毫俠義之行爲。足以示人是大缺點。

以情節言。益民節攝慧珠照片。匿名投寄洪氏。詆慧珠醜行。往質厚齋。厚齋竟允退婚。此節太嫌唐突。夫父母未有不相愛子女者。況以操行之大關係畢生名節。決無觀一照片。卽允退婚之事。且不問情由。卽向媒妁盛言女兒不肖。尤無是理。苟依片中所述。則是厚齋不能自信其女。尤與尋常家庭情形反背。

以導演者之智慧言。則「良心爲慾念征服」一

幕之特寫。以腦爲襯片用「道德」「淫慾」等字句前後移動。以說明益民之爲慾沉溺。不克自救。用意雖佳。惜乎方法太笨。苟此片之導演者曾觀「小廠主」片中王一平良心內戰一幕之表情與作法。當不致有如此愚拙之手段也。以演員藝術言。飾李飛飛之粉菊花。失之過剛。且動作亦嫌太快。飾慧珠之吳素馨。除愁眉苦臉外無表情。走路姿勢尤爲難看。傅秋聲之洪誠甫太做作。譚志遠之郭厚齋太呆。張大公之蔣益民尙會做戲。林雍容之洪玉麟亦尙稱職。至若益民兩友。則服裝既嫌鄙俗。舉止亦不脫流腔。雖屬描摩損友個性。宜乎如此。但終似格格不入也者。

此演之可稱者。乃攝影光線之明晰。與外景選擇之精當。使自然風景都如圖畫。大足以一快襟懷也。

又有感者。此片大半演員。均爲舞台劇員。以此片論。舞台演員。苟不向面部表情上及動作上下功夫。則攝製影片恐難得好成績也。





開心滑稽影片的批評

L. L. 女士

上海的中國影片公司也算不少的。做滑稽影片的人家實在太少。我記得從前明星公司和上海影戲公司都曾出過幾張。不過那都是含有一種試驗的性質。可是結果因為演員不會能十分了解要怎樣的動作才能引人發笑。所以我們看了初創的中國滑稽影片。終覺得不甚有趣。自從影戲勢力一天天的膨漲。影戲公司又大家去忙看拍整本的戲。因此短篇的喜劇便不可得而見了。英美烟公司的影戲部雖然做過兩張。也因為導演者是外國人。不明白中國社會的內幕。所以不能得到很好的同情。

最近產出的開心影片公司。是徐卓呆和汪優游合辦的。徐卓呆氏我們在著作界裏久已聞得他善于談諧的大名。他的著作。有時會着神秘的色彩。使人看了要笑。汪優游在戲劇界中也有他那相當的位置。新舞台的西游記中。他曾用滑稽的方法來攻擊社會。我也曾在本報發表過一些兒意見。他們這兩個滑稽人才湊在一處攝滑稽影片。成績決不會壞到那裏去。

這天開心影片公司將新攝成的三張滑稽片。在中央影戲院試演。當時我去參觀。還能使我滿意。現在將這三張片子。老實不客氣的批評一下。

(A)「臨時公館」 臨時公館的情節。是述一個姓周的家裏很窮。可是他還喜歡出去在女人淘裏胡纏。這天約了他的女友。第二天到他家

裏。可是他回去一瞧。那屋子裏的陳設。實在見不得客。況且他的妻子在家裏。又怎肯讓丈夫帶個女子回來。他正急得沒法。恰得他的好友黃某來看他。周便想法向黃借房子做臨時公館。到了第二天黃將自己的妻子打發開了。讓他們相會。這時周也神氣活現。好像真是他自己的家裏一樣。他正和那女友談得得勁。外面向黃家收賬的人陸續而來。因為他在屋子裏。所以大家都向他算賬。他當着女友。又要顧全自己的面子。只得將他典質拼湊成的幾十塊錢。一一都替他朋友還了債。結果他的女友在沙發下發現了小孩的鞋子。在園裏又發現晾着的女衣。纔知道周是個有女子的人。同時周的妻子也因為失了東西。尋到黃家。便將這不長進的丈夫。拖回家去。

這本戲是諷刺那班專喜歡搭空架子的人。想占便宜。反而自己吃虧。可是在情節裏有些不合情理的事。像周在外面頂住門。不讓那班債主進門的時候。大家伸着手嚷着要錢。這時他的女友在裏面。決沒有不聽見的道理。當時伊還很文靜地坐着。便和事實不相符。也許這位女演員。還是初出茅廬。不會懂得怎麼做吧。

(B)「隱身衣」 隱身衣的情節。是述一個男子發現他的妻子有外遇。便借了一套隱身衣。披在身上。故意去和他們搗亂。這本戲情節方面。是脫不了胡鬧的毛病。可是在攝影方面。確是費

了不少功夫。屋裏的簪帶簪箕自然活動。鴨子變了鞋子等。瞧着還覺得有趣。不過酒壺變成便壺。未免有些不甚雅觀。

(C)「愛情的肥料」 愛情的肥料的情節。是述王伯因的妻子。這天到洋貨店裏去買東西。買了出門和同去的婢女「低低的說今天的事不要告訴少爺」說着又塞了些東西在伊手裏。說着出門而去。這時店主收拾東西。忽然發現少了一副假珠環。驀然想到剛纔兩個女客鬼鬼祟祟的。便疑心一定是伊們偷去。便叫個學徒跟伊們去。學徒去後。王伯因也到店裏來買東西。買了正想走。學徒回來報告。說是兩個

上海冬裝



淡黃毛絨半臂、靚淺綠駝絨衫、頸圍褐

色鵝羽巾、長裙翩跹、豐致嫣然、

女賊住在某里。門口有塊王伯因寓的牌子。王伯因聽了。知道他的妻偷了人家東西。恐怕店主要報捕。便說明自己就是王伯因。願意賠償。他回到家裏問他妻子出門何事。他的妻瞞着不肯說。問婢女。婢女也不肯告訴。伯因正想追究。他的朋友常覺夫忽然寫了封信來約他們去看影戲。他當時回了封信。說是家庭發生不幸。不高興去。一面提筆寫了封信給他的丈人。說他妻子犯了竊盜行爲。有妨名譽。令其大歸。氣氣惱惱地封了。交給他妻。令伊回去給伊父親看了再說。這時伯因獨坐在家。氣悶得很。恰巧常覺夫同了夫人同來看他。坐不多時。外面

有人敲門。伯因出去一問。原來是店主前來賠罪。原來那失去的假珠環。並不會被誰竊去。不過掉在地下不曾瞧見。店主因此將伯因的賠款送還。另外又備了些東西道歉。伯因這時一氣非同小可。趕走了店主。回到屋裏和常覺夫商量。因為他的丈人脾氣太剛。知道女兒做出不端行爲。一定非殺死伊不可。伯因想請覺夫到他岳家去營救。覺夫不肯。伯因自己正想出門。恰巧他的妻同着伊的母親同來。伯因的丈母一見伯因。便說爲什麼這麼一些小事故。還要問你丈人。說着拿出信來遞給伯因。他一看。原來他叫妻子帶回去的。並不是他要休妻的信。乃是常覺夫請他倆看影戲的信。在匆忙中裝錯了。他一面陪笑。一面將桌上那寫了未發的信毀了。後來伯因問他的妻。你出去買的什麼東西。爲什麼不說。他的妻拿出一匣婦女必孕丸來。伯因也同樣拿出一匣來。兩人相對無言。

這一張片子。不但情節好。做得也比上兩張好。既緊湊。又合情理。雖然起先人家看了不發笑。可是到結局的時候。大家笑得格外厲害。這纔是真能算滑稽影片的上乘。

我看了之後。覺得滑稽的影片。究竟還是冷雋的來得耐人尋味。如果一味胡鬧。那是只能受一般無智識階級的歡迎。開心影片公司三個片子。居然能兩方面都兼顧到。也未始不是一種調劑的方法。如果編演者能夠從滑稽影片中微微地提高觀衆的人格。那是比較擔着教育牌子的整本影戲。收效還要來得快些呢。



女工 (小說)

三六

S.
K.

蔚藍色的天空。東角那邊剛有些兒發白。那張家園裏竹籠罩着的三個老公雞，便相繼喔喔喔的啼將起來了。它的啼聲喚醒了隔壁那橡舊屋裏睡着的和香的母親。那時伊坐起了半身。咳嗽的嗆個不住。滿臉也嗆得紅了起來。額上一條條的青筋也凸現起來。半晌吐出一口塞住在喉嚨裏的濃痰。才覺得輕鬆些。伊氣喘着將衣裳穿了。推開床邊那扇明瓦格子窗。兩眼惺忪的望了望天色。隨即穿好了褲子。襪兒下了床。又將和香的被兒四週塞了塞緊。這時和香却也醒了。含糊問伊母親道：「姆媽，什麼時候了？」伊母親道：「和兒，還早咧。東方剛才發白咧。你再睡一會兒。等我將飯燒好了再來喚你吧。」伊說畢又接連的咳嗽了幾聲。和香道：「姆媽，既然天剛才亮。你也再睡一覺吧。昨夜姆媽搖紗不是直搖到半夜三更的嗎？等會兒我自己去燒飯好了。」伊母親道：「不好。女兒別不聽我的話。昨夜你渾身發熱。燙手得很。所以叫你多睡一覺。不要再多嚕囉了。閉上眼

快睡熟吧。」伊對和香笑笑。便轉身跑到廚房裏。幹伊的自和香進BA工廠做工後。每天早晨的刻版工作去了。本來和香昨天晚上八點鐘才散工回家。到了家裏洗了幾件衣裳。又幫着伊母親紡了兩絞紗。精神委實十分疲乏。到了十一點鐘光景上了床。便沉沉的睡着了。這時原是被伊母親的嗆聲鬧醒的。何嘗不想再睡一會。當伊母親絮絮叨叨說話時。伊已經朦朦朧朧的睡着了。歇了好一會。伊睡醒了。見窗外微微有些太陽光射進來。知道時候已不早了。便急慌起了身穿好衣裳。跑到廚房裏。却見伊母親坐在竹矮椅上。垂着頭在那裏打瞌睡。便輕輕的喚了一聲：「姆媽。」伊母親聽得。抬起頭來一瞧。見是伊。便笑將起來。說道：「你起來了嗎？呵。」和香道：「剛才叫你睡一覺。不高興。這時在椅上打瞌睡。何苦來呢？」姆媽再到床上去養息一會吧。」說時笑着手拉伊母親。伊母親道：「不要拖。適才飯燒好。想將垃圾到河浜上去倒。走出門。恰巧遇着李家伯伯。我便

問他有幾點鐘了。他說六點鐘還沒有敲。我便想給你再睡幾分鐘吧。那裏曉得坐在這裏竟打起瞌睡來。我這時不要睡了。你去洗臉吧。這時大約六點已打過了。太陽已經有這麼高了。吃了早飯好到廠裏去了。」說着拿了臉盆打了一盆水給和香。隨又跑到東面那個破竹櫥邊。開開了櫥門。拿出一個紅漆的小飯籃。用圍身巾揩了一揩飯籃的裏面。便將飯盛了半籃。又拿了一個小碗。檢了些剛才炒好的金花菜。加上三四小塊油煎的鹹鯊魚。疊着一個飯碗。一同放進飯籃。隨將飯籃蓋蓋蓋密。和香洗能臉。胡亂地吃了些早飯。便提着飯籃上工廠去了。伊在路上走着。心裏想着BA工廠裏的監工員徐先生了。覺得他雖則對待旁的女工兇很很的。却總是笑臉對待伊。有時伊手裏閒着不工作。徐先生也不斥責伊。只是叫伊快做生活吧。神情看來很溫和的。腦筋純淨的伊。也想不到徐先生怎樣却會優待他。心裏只是感激他。更使得伊感激萬分的。便是昨天

放工時。伊拿了飯籃走到。檢查處檢驗飯籃和身邊。却在伊飯籃裏。檢出幾件工作品。伊見了心裏甚是詫異。暗想「我幾時將這樣東西藏在裏面的。這一定不知那個促狹鬼跟我搗蛋。栽贓在我籃裏。」那時只見得那檢查員圓睜兩眼。對伊哼了一聲道。「你好大胆。」伊見了那般猙獰可怕的樣子。竟戰慄起來。正想開口分辯。却見那位徐先生走了來對檢查員說。「趙大哥。請你看兄弟的臉上。饒伊第一次吧。」那位姓趙的檢查員却不肯答應。硬要拘留伊起來。時候工頭處罰。幸虧徐先生橫說好話。豎說好話。並且說「楊和香這女工人很規矩。賊的勾當。伊決不會做的。我可以担保。這定是人家和伊惡作劇而栽贓的。看我的臉。就饒伊一次吧。」才算倖免了。不然還不知怎麼一個收場呢。後來徐先生便送伊回家。在路上又和伊說。「你在廠裏不要和人家爭短論長。倘使得罪了人。像今天的事。便要鬧出來了。我雖然知道你是個手脚乾淨的規矩人。剛進廠還沒三個禮拜。也不敢做出這事來。但是贓品在你籃裏。你雖則百般伸辯。誰肯相信你呢。名譽上既不好聽。又受責罰。冤枉也只有你自己明白了。」伊神志初定。聽了徐先生這般懇摯的話。真

是感激零涕。不會說話的伊。却找不出一句藉伸謝忱的話來。喃喃了半晌。祇說了聲「謝謝你。」徐先生見了伊那般神情。臉上頓是出一種得意的笑容。便道。「說那裏的話。這算得什麼。明天會吧。我要過橋回家去了。」說時兩眼凝視着伊。停住了步。又對伊笑了一笑。左手拍了伊右肩一下。便逕自走去。伊那時心裏也說不出一個所以。只覺得有種異樣的感觸。又見徐先生過那小橋時。還不住回頭望伊。對伊微笑。伊低着頭且走且想。不知不覺間走到那小橋邊。這時伊聽得河的那邊有人喚伊。「和香。」便掉轉頭去瞧。原來是伊廠裏的同伴。和伊一淘做生活的名喚王小鳳。小鳳在那面河沿上跑着。右手招招伊。嘴裏嚷道。「和香。慢慢的走。我們一塊去。」和香當即立停了步。只見小鳳已笑吟吟的走過橋來。小鳳氣喘喘的又說。「和香。你今天比往常却早了。」和香笑着說。「你的意思是不是要我說你比我早。」小鳳推了伊一推說道。「你怎麼專門歡喜說這般話。你平日到廠裏的時候。不是我已經先在着的嗎。」

伊倆手牽着手。並肩走着。忽然小鳳對和香說。「徐先生對你真不差。」伊說時似乎無目標的。和香聽得兩頰却頓時微紅起來。隨口也說了聲「對你也未始不好。」小鳳接着便說。「阿姊。你少挖苦我些吧。像我這般看不入眼的臉龐。能夠得到他們和你這樣畫裏畫着的美人一般的一樣的待遇嗎。B A工廠裏沒有這回事。別處想來也未見會有的。」和香說。「我和你客客氣氣。怎麼却打趣我來。」小鳳道。「哎。嘻嘻。真正只有菩薩曉得。我說的話。是有根據的一句也與事實上不相反。你已是十八歲的人了。難道不明白嗎。現在愚笨的人都死完了。」和香聞言。默不一聲。小鳳又笑說。「我知道你再說不出反駁的話。其實也用不着推諉了。徐先生和你那般親暱的情形。誰都猜出他的用意。你聽了千萬不要動氣。你和徐先生怎麼怎麼。與我毫不相干。」原來王小鳳臉兒實在長得不漂亮。誰看見也要說伊是無鹽轉世的呢。所以那班監工員都不給好臉。伊常時呵斥伊。譏笑伊。伊心裡甚是氣惱。又見他們和其他的女工們說笑。更是妒忌。一曉得他們盡感任何那個同伴時。便暗裏竭力的破壞。戳穿他們的陰謀。這原是伊一種報復手段。這時伊見和香有些莫名其妙的樣子。便接續着說。「你不相信嗎。老實不瞞你說。昨天那同事兒。也是

他使的詭計，我親眼目睹。在你去淨手的時候。他暗將那東西放在你籃裏。分明又勾通檢查先生。檢驗的時候。他使的來做好歹的解了你的圍。不然那有這麼容易的事。這麼一來。你自然心裏十分感激他。他便利用你感激他的心了。那時你或者也許疑惑同伴和你過不去。其實你對於我們都很謙和。有誰和你作對。」和香起初聽了有些狐疑。以爲是伊向壁虛構的。但看伊的神氣。十分正經。不像是說玩話。又不禁詫訝起來。說「竟有這麼一回事。」小鳳點着頭。冷笑了一聲。說道。你自己留意着吧。在你以前已經有許多人受過那些惡魔的騙了。他們也不知蹂躪過多少清白的我們的同伴了。伊說時那般忿恨的神情。在伊臉部肌肉上。可以瞧得出。這時伊倆已經離廠門口沒多遠了。便不說什麼了。

★ ★ ★

一羣一羣的女工們。有說有笑的從廠裏蜂擁了出來。和香也雜在人羣中。被伊們你推我擠的走出廠門。神情甚是驚惶。望着不是日常走的僻靜處走着。步率很速。走時且不住的回頭探望。好像恐怕有人跟隨伊般的。跑到家裏。伊母親見伊氣喘得很。手指指伊笑道。「你路上

定是跟人家跑着鬧玩。」伊聽了只很不自然的笑了笑。也不說什麼。便放下飯籃走進了臥室。坐在床邊。兩眼凸出。呆望着七高八低的泥地上出神。看來心裏一定在那裏想着什麼重大的事。約摸有半個把鐘頭。才恢復原狀。到外而去幫助伊母親料理雜務。

★ ★ ★


天還沒有亮。和香睡在床上。兩眼半開半合的已經醒了。伊一聽見伊慈愛的母親的咳嗽聲。鼻管裏便斷斷續續的嚶嚶作響起來。伊母親反轉身問伊。「和兒作甚麼。」伊却不作聲。依舊嚶嚶不已。聲音比較又响了些。伊母親又重後的問了一聲。見沒答語。還以爲伊着魔。正想喚伊醒來。却見伊翻來覆去。嘴裏哼着含糊叫。伊母親。伊母親聽了便道。「和兒。怎麼我在這裏。」伊哼着道。「媽媽。」我肚痛。伊母親道。「肚痛嗎。小姑娘。這裏專門打被窩。着涼了自然要肚痛。該應快些蓋好了被頭。安靜睡一會。停一刻便不會叫痛了。」和香道。「媽媽。頭覺得昏心裏更難過。要想嘔。」伊母親道。「噢。難道不是着涼的肚痛。你病了嗎。睡時還是好端端的。怎麼：你要嘔嗎。待我去拿痰盂。此時伊手摸了摸和香的額角。走起身下了床。

伊原是生的假病。却假裝出一股病態。強撐起半身。靠在床欄上。細眉蹙額的對伊母親說。「我病好奇怪。半夜功夫竟有這許多花柳。」伊母親坐在床邊上。滿臉呈着憂慮之色。故意做着笑容道。「心裏不要焦急。睡一夜就會清爽的。不然明天就請張郎中來看一趟便了。」伊慌道。「倒不必。有錢去買那些苦味的藥來吃作甚。」伊歇了一會又道。「媽媽。我可有別的工作好做。」伊母親道。「你問它幹什麼。」伊道。「我今天生病沒有請假。明天也不能去了。我也想到別處去做生活。」說時伊兩眼直視着母親的臉上。只見伊母親似乎有些不悅的模樣。說道。「小妮子。怎麼這般沒長性。才做了兩三個禮拜。又不高興去了。早晨我已經託王家伯伯去請過假了。你病好了。儘管去要。別處工錢。沒有B A工廠的多。」伊聽了默然不言。兩眉更纏得緊起來。

好端端的一天到晚躺在床上。固然沒有趣味。於是第二天伊便不裝假病了。伊母親見伊起身。一無病容。心裏好生歡喜。便催促伊去上工。伊起初推說再讓我養息一天。伊母親却說。「一天不少。便少進益一角洋鈔。我們不是富貴人家。經得起任你游蕩麼。好女兒。今天你既然

痊愈了。便當去呀。」伊於是便說。「我實在不願意再往B A工廠去做工。」伊微有些怒意。說道。「爲什麼呢？」伊道。「前天工場有個同伴去淨手時。走出廁所遇見個監工員。那監工員見了伊便嘻皮笑臉動手動腳的和伊胡鬧。嘴裏又說不少不堪入耳的話。末了又撲往那女工。要強吻。那女工窘極了。沒法脫身。便嚷起來。但是工場裏人聲喧雜。距離又遠。加之四處的機械聲又來得响。伊的呼聲。人家萬難聽得見。幸虧恰巧來了兩個別的女工。總算解了圍。後來同伴曉得了。却又嘲笑伊。那時我看了替伊十分嘔氣。忿怒。免死狐悲。我便聯想到我日後或者也要被他們欺侮。所以我不願意去了。」伊母親聽了。大怒道。「癡丫頭。說什麼話。別人的事。與你有什麼關係。要你忿恨些什麼。你忿恨了有什麼用處。你做你的事便了。」伊羞澀澀的說道。「那女工便是你的女兒。」伊說話的聲音很艱澀。

(完)



衣飾瑣言

衣服與禮貌

祿

我們知道寒地人民穿衣服是防冷氣的侵襲。可是有些地方便是裸體。這嫌太熱。他們又爲什麼穿這勞苦子衣服呢。須知這便是由於禮貌的觀念。人類文化而發達。使覺亦有身體是一件可羞的事。這怕羞的觀念。各種民族間頗有參差。譬如回教的女子。永不看見她自己的清白身軀的。浴時便以面部遮沒。她們的怕羞觀念可謂強到最高度了。我國以前的女子。常把她們的三寸金蓮隱在石榴裙下。而亞洲中部的人民。對於將指尖露在外面。認爲無禮貌。因爲怕羞觀念不同。所以衣服的式樣亦隨地而異。我們說某國的衣服式樣文明。某國的衣服野蠻。這都是淺見之論啊。



銅絲圈 (小說)

文化服務社贈

凝冰

在交際場中的女客簡。直是開的裴珍批評會你一句我一句。不是稱贊這家小姐的鑽環怎麼怎麼的精緻。便是談論那家奶奶的衣服怎麼怎麼的缺點。切切喳喳。不知道那裏來的那麼許多話。等到批評的結果。誰的服裝最時髦。誰的首飾最漂亮。於是大家都不約而同的去仿效。所以女子多一次應酬。便是男子多一重負擔。

在唐家的宴會席上。當然免不了這種批評式的談論。這班女客們大家談論着。並且用那尖銳的目光。四周去察看各人的服裝和飾物。可以供給伊們談話的資料。當一羣女客止在客室裏交談的時候。一位最活潑的周小姐。忽然拉住了一個中年婦人的手道。「朱家嬌嬌我們好久不見了。」正說着周小姐一眼瞥見朱太太的左手上兩個鑽戒中間夾着一隻銅絲圈。臉上便露出驚訝的神氣。接連着問道「嬌嬌你手上帶着這東西。究竟是什麼意思。我屢次想問。都被別的事情打岔忘了。好嬌嬌你講給我聽聽。」朱太太被周小姐這問得。況且客室裏的其餘女賓都圍住了伊。問長問短。大家都要逼着伊講。朱太太沒法想。便只得將這隻銅絲圈的歷史。一五一十的講給大眾聽。

朱太太道「當我十九歲的時候。我的父母要逼着我和本鄉的一個富戶的兒子結婚。當時我極不願意。因為那時我在同學中間認識了現在的朱先生。那時他的境遇很是艱窘。可是我因為他人雖貧窮。志氣却很高傲。雖然別人瞧見了他都有些討厭。我終覺的別人太勢利了。所以時常和他接近。並且相交日久。覺得他這人實在可以算得一個好男子。所

以家庭裏雖然逼着我同別人締婚。我終覺得那班執子弟。簡直不曾了解得結婚的意義。他們平日間狂嫖濫賭。老是將女子當做了玩物。因為有了這種觀念。便將家裏的女人。也當做娼妓一般看待。我好端端的。為什麼要去做那班無情男子的玩物。我家裏當時千般百計的哄我嚇我。硬硬手段都用到了。我抱定了宗旨。一概不理會。後來我和朱先生的情感。一天天的增進。他也有幾次向我求婚。我也慨然的答應了。不過我的父母却因此生了氣。罵我是不中抬舉。說我如是定要和他結婚。便要和我斷絕關係。當時我迫於感情。也顧不得一切。便很決絕的和他訂婚。當我們訂婚的這天。是在朱先生的臥室裏。當時我脫了一個戒指。套在他的指上。他手上沒有戒指。一時無法可想。回頭瞧見窗幕上有幾個銅絲圈。便拉了一個套在我的指上。我們簡單的訂婚式就此終了。過了一個月。我們便結婚。當時我們兩人各人本着自己的能力。總算勉強度日。因為他為人刻苦忠實。所以很得人家的信任。二十年來孜孜不倦。到今天居然也能敷衍過去。所以人不怕窮。只怕沒有志氣和毅力。朱先生憑着他半生的精力。到現在成了一番事業。雖然豐衣足食。可是我們依舊不曾忘了從前的艱苦。我這一隻銅絲圈兒。一方面固然紀念我們這種百折不撓的結婚。一方面也是紀念我們創業的艱難。所以無論人家怎麼的笑我。我總是帶着這一世裏決不拿下來了。」

朱太太一口氣講完這段歷史。大家對伊又起了一番議論。只有周小姐聽了。似乎心有所悟。當大家都正在那裏談論的時候。伊獨自走到窗前往望着那天邊明月。看了又看。不住點着頭兒。這時其餘的女客。又在那裏批評別人。誰也不會理會伊一個人的行動。

張之江、字之江、直隸鹽山人、北洋陸軍第四鎮隨營學堂畢業、民元任綏遠東路參謀官、四年充十六混成旅參謀、繼任四川護國軍狙擊團司令官、五年調任十六混成旅騎兵營營長、六年復辟之役、該旅毀廊房鐵路以討張與有力焉、七年升該旅礮兵團團長、旋調任該旅步兵第二團團長

名人錄



張之江

長十年調升十一師二十二旅旅長、十一年調任陸軍第七混成旅旅長、授沈威將軍、十三年任國民軍第六軍軍長、兼第一師師長、旋任察哈爾都統、兼西北陸軍第五師師長、西北騎兵總指揮、十四年加授陸軍上將銜

前期勘誤表

題目	頁數	行數	誤	正
武人末路	一	十二行	武力與者	武力與者
國民黨中之共產黨人	三上	十四行	軀殼	軀殼
關稅特別會議實錄	一五下	小題	英國之態度英日之態度	
	一八下	四行	呼抱	所抱
記日本航空界	一九上	末行	反日	返日
	二〇上	末行	賀世保	佐世保
中國影片新評	四一下	十六行	劇對	劇中對
	四三中	九行	幾幕	幾幕

